

增訂

今日鈔

1875
1863



門 1863 卷

同治

題詞

或云日本外史事之觸諱者闕而不記蓋擬
于孔子修春秋也然孔子所修周者天子
也魯者邦君也事豈不可闕乎哉外史所諱
在幕府而不在

朝廷孔子褒董狐曰良史者以書法不隱也
是諸侯之事而非周家之事則與外史暴露
不隱者逕庭矣不知有所諂而然歟將別有
所見也世應有公論也故謂首創者難為功

月台所刊

今

少

亭

一

其見妻義反

因循者易爲力。良有以也。兵庫寮史生和泉掾源朝臣。曩著十三朝紀聞。以創述時體。頃復編次今日鈔。以續之。始弘化丁未。訖文久辛酉。亦自有創意。今也天下事多端。內外勢變遷。由來錯雜。皆難得而闡得而辨矣。然而斯史悉收之。而取捨有法。核備莫漏焉。其傳事輕重。皆繫于日。且曰稿者。惟不譏辭。更欲盡聞見。裨踈遺。而後正史體也。慶應紀元。活字行之也。世間知其成。請觀者。晝夕相繼于

門。源君不堪其煩。乃去歲七月。請官鏤板。十三朝紀聞。并今日鈔。其得許將刊也。信門人青木成通。携今日鈔來曰。源掾之息長門。學擊劔於家嚴。家嚴因與源掾友善。此書源掾所著。頃者新寫之。以示家嚴也。先生請覽之。信因而縱觀斯史。嘗聞其旨意。諱則已矣。苟不可諱也。直筆之。蓋所取不論秘冊野乘。蕃書有事之可徵。則譯以漢語錄之。固不欲以文飭眩人目。事實粲然。能懲生靈。史家

如不然。何以取信於天下後世耶。可謂其功出于外史之上矣。劉揚諸人稱司馬遷曰。有良史之才者。非服其文直其事核。不虛美不隱惡。垂戒于萬世乎。源君夫有見于此也歟。

時

明治己巳長至日郡上文學山田信敬書



今日鈔卷之一

從六位下和泉掾源照矩草稿

今上天皇諱統仁 仁孝帝第四皇子也母藤原氏
丙午弘化三年二月十三日登祚 三月朔 詔奉
謚 先帝曰仁孝天皇四日葬 仁孝帝于泉涌寺
大將軍使使上香 五月十九日京師大火 閏月
二十八日北亞墨利加將官必氏蒞帥兵艦二艘一
千人來泊浦賀上書奉行因幡守大久保忠豐乞互
市其畧曰我國始通中華而開市仍在華港數月今

果艦
始來
乞互
市

明治新刊 今日本少 卷一

其規畫嚴版

將歸本國冀 貴國亦許互市如中華故入焉蒙許
 奉 貴國制度幕府弗聽賜書畧曰我國嚴禁與外
 國肇通信互市自往昔諸蕃頗乞開市皆不許今後
 幾回來請莫聽之且外事官長崎此港不之豫宜速
 還船勿復入焉 六月六日二艦還去相傳北亞墨
 利加當我萬治寬文諸厄利開之至安永天明寢大
 今有三十一州自號合衆國其都曰華盛頓是其祖
 人名二十日 皇祖母新清和門院崩年六十八葬
 于泉涌寺北亞墨利加船漂泊蝦夷 七月七日京
 師大水流三條五條二橋堡東街上水深三四尺上

口中口七條口閉門防之 九月大將軍修補 便

殿清涼殿及諸殿舍加賀白山祠災

四年三月八日 勅學習院開講十四日尊准后諱

祺子曰 皇太后二十四日信濃地大震 六月十

五日以右大臣藤原尚忠為左大臣內大臣藤原忠

熙為右大臣權大納言藤原家厚為內大臣有拙川

家臣飯田忠彥著野史右兵衛大尉座田貞幹著書

國基 八月二十五日遣王大中臣齋部三使奉幣

于 大廟告嗣位賀茂石清水廟亦遣使告之 九

月二十三日行 即位禮大將軍使使朝賀之京民

信濃
地震

孝子 藤藏

喜助事富小路商家罷出數年其主沒喜不忍見主
家亡復入事寡主主欲鬻其居償借金喜故日夜力
產業終始不休遂興家云三條臺村農夫富次女時
事親孝其婚弁吉為富次所逐人勸更迎新婚時懼
或復背父母辭之日躬耕晝夜則纈絹以養父母及
弁遺子云幕府賞之賜喜一萬錢時七千錢 十月
十三日上称 皇太后曰新朔平門院是日崩年三
十七葬于泉涌寺 十二月内大臣家厚罷二十七
日以權大納言藤原輝弘代之明年辞但馬生野民
藤藏事母至孝是歲幕府賜白金旌之藤藏少父沒其

盜發 垂仁 帝陵

明年母病寒藤負鑛於地道僅給母食藥幾飢乃掘
鑛或曰為石昌蒲寶蒿塩三味之浴温體則愈不得
沽塩乞塩膽水於人供是浴每夜摩體冬則温脚於
已肌膚供浴凡六歲至是母初起步時藤年十九此
間有大和盜和助佐藏等四人密發 垂仁帝陵竊
御劔珠玉朱沙至安政戊午皆磔于奈良或云盜發
陵之後誘布留祠人與俱多竊其祠庫寶劔大坂有
其黨數人嘗一賈因人售名刀小狐丸於関白政通
政通博覽尤精典故曰此劔非世間所有者唯大和
布留社藏之命檢之事因皆覺盜盡捕

嘉永元年二月二日修 仁孝帝三年忌齋行識法
 講于清涼殿至六日畢十一日以權大納言藤原實
 堅為內大臣兼右近衛大將京師町奉行檢錄寡孤
 獨不能自存者賑之二十八日改元曰嘉永大赦天
 下仍 勅所司代侍從酒井忠義赦京師罪人遣檢
 非違使于六角獄釋之蓋比例也是月高臺寺修贈
 正一位豐臣秀吉二百五十年齋 三月內大臣實
 堅罷二十一日以權大納言左近衛大將藤原輔熙
 為內大臣權大納言藤原忠香兼右近衛大將 五
 月二日信濃雨雪積二尺九日京師白川雨雹十八

白雲
如龍

日雨雹傷綿柎 六月五日近江大水信樂溺人畜
 宇治河大溢決巨掠流宇治橋并橋姬祠破豐後橋
 醍醐山科深草諸山崩出水丹後由良川大漲多溺
 人 七月十八日未時京師有白雲長二十丈許狀
 如蛇自首至尾無所散漫左旋以繞全體從西方起
 至四條朱雀低而迫地忽風飛瓦既騰徐徐東南抵
 鴨川之西七條之北益外少焉乃滅是日曇陰故見
 甚明時謂龍升天二十一日大將軍修補中宮及其
 別宮二十三日伏見挑山竹林中自地發火燒方六
 間許自六月不雨至于八月十二日夜大雨

大水倒五條橋架

風鴨川桂川大溢倒五條橋石架四柱堡東街上水深三尺是日紀伊尾張大水和歌山多瀨人伊勢大風拔樹破屋九月閏白藤源政通辭太政大臣十月十四日行放生會八月會使至淀河會汎漲乃反至是再發使修之十九日以右大臣大將軍源家慶為左大臣陞從一位贈大納言源廣忠與內大臣源家基正一位太政大臣幕府以和泉守松平乘全伊賀守松平忠優為老中十一月勅作悠紀主基二殿于南庭九日遣兵庫頭王任賢神祇大副大中臣教忠能登守齋部則能奉幣于大廟告修大

嘗又遣權中納言藤原公純等于賀茂權大納言源建通等于石清水並奉幣告之二十一日大嘗仍禁浮屠喪服入九門及都下法鐘佛會十二月十五日大婚左大臣尚忠女夙子為女御後進准后二十一日京師雷是冬勅修大廟北亞墨利加十五人漂泊蝦夷幕府命紅毛送歸紅毛辭以令亞墨利加迎之

二年正月二十日大坂大火二十九日大將軍使侍從左衛門尉酒井忠發長門守畠山義宣朝賀大婚回位十萬石以上諸大名亦使使奉賀是月內大臣

輔熙辭左近衛大將右近衛大將忠香轉之權大納言源基豐兼右近衛大將三月北亞墨利加使船來受漂人而還十八日大將軍率諸大名旗本大獵于小金原四月七日帝賜額於學習院右大臣忠熙奉勅書之忠熙善書筆法潤整名于時時左近衛權中將藤原季知亦以和歌聞二十二日京師甘露降閏月英咭喇賊船一艘來泊浦賀居二日奉行伊豆守戶田氏榮以教諭還賊歸途劫抄伊豆下田往大嶋刈麥掠牛復入下田測量海深淺山大小而去五月五日幕府令諸藩益修海防七月

種痘

前閔白忠良養菊亭藤原公久女為子嫁幕府世子權大納言幕府遣甲斐守渡邊輝綱等迎之去歲鷹司氏卒故再娶冬幕府令天下武門上達文學兵法士庶姓名是歲西洋始貢種痘方蕃船闌入對馬南部津輕松前乞薪水糧食三年正月朔日食二十七日贈外舅權中納言實光九大臣二月五日江戸麻布火大名邸三十許區延燒四月幕府賞六條坊門儒士柴田武修孝二條市人祐慶忠各賜白金十枚武修字謙藏本大野藩臣嘗入京師從修正舍鳩翁受石田興長學數年

武修 孝行

致仕嗣鳩翁冒其氏事義父母至孝鳩翁沒而後委
 生徒贄於母不私一錢母性急怒則撻修俯伏恭謝
 任其所為母沒始娶時年四十祐慶自幼歷事豪商
 三井六主至忠雖年七十而削髮勤主如故云十六
 日京師五條火市舍八百許戶延燒自三月諸國竹
 簇實大如麥而白民取而食之 七月所司代酒井
 忠義還江戶 八月八日江戶大雷震四十餘處幕
 府造 新待賢門院第于清和院門內成 門院自
 正親町家徙居焉西國畿內飢京師市廳令憇窮者
 賑之西陣每戶與米三升錢三百幕府檢收能登一

江戶 大雷

流五 條橋

天下 飢

向僧頌成等二十餘人訟法事于東本願寺因起難
 故也明年見釋或云頌成被遠竄 九月三日京師
 大雨風鴨川大溢流五條橋二十間許倒其石架及
 三條石架是日肥後大風雨傷禾十一日幕府以大
 坂城代紀伊守內藤信親為所司代是月京畿躑躅
 及櫻華 十月肥後大飢京師米斗錢二貫三百文
 富商合力於神祠佛寺區賑飢者或與升米或與半
 升而本願寺賑其境市東本願每人施合米踰年而
 止 十一月琉球使玉川王子野村親方來朝江戶
 知恩院賑京師飢每人施合米興長學徒於明倫時

石田 賑飢

習修正恭敬觀行樂行健順由行等十講舍為湯粥
賑飢者非徒亦多合力焉日所活一萬五千人 十
二月十七日第一皇子生而薨西町奉行發銀二十
五貫錢東町奉行發米二百五十斛並賜十講舍助
之

護大明神

四年二月二日市廳再賜十講舍米二百五十斛銀
二十五貫錢令諸街有志者給之金 三月十五日
贈正二位和氣清麻呂正一位賜謚曰護王大明神
遣大內記管源在光少納言清原宣諭等就高雄神
護寺廟宣 命二十八日幕府再量定諸商戶自天

影向 松倒

保未罷之難糾奸商故復定之而免其稅課如故
四月三日江戸大火 五月十七日北野影向松無
故自倒壓破瓷狗外貨商黨所納也十九日市廳又
賜十講舍米三百斛銀三十貫錢令諸街及僧侶祝
人給之金以周濟飢者是月松前江刺大風壞海船
百餘艘米價漸低 八月斗直錢一貫四百餘文
九月修補内侍所成内侍所古來每二十年新之而
其間修補亦新造別殿奉焉或云内侍所之名中古
有說而難信矣是内侍常直焉故號耳謂之 温明
殿或 神器所即称矣二十日諸講舍散餘米每被

救者與十日之糧唯修正舍施粥至仲冬而止 十一月幕府以所司代内藤信親為西城老中 十二月以淡路守脇坂安宅為所司代大和守久世廣周為老中天保之末嚴禁土娼京師則除嶋原外皆被逐至是以享保舊制置北野祇園二條七條先是幕府令募十國修補北野管廟明年成

五年二月十五日 勅修北野管公九百五十年齋遣權大納言藤原光成權中納言藤原實愛權右中辨藤原胤保大内記菅原在光等行之 三月二十三日越前府中大火 四月大坂大火 五月二十

二日江戶西城災 七月二十二日山城丹波大和

江戶西城災
流三
條五
條橋

大雨風鳴桂淀木津諸川大溢皆决流三條橋十八間五條橋三十六間多倒五條石架民溺死于鴨川者四十人流淀大橋若干間紀伊大水漂壞三百許戶是夜聖護院王府為食與境内遭水者遂周賑之士賜金四銖庶錢五貫町奉行賑被水窮民處處賜銀百錢 九月二十二日妃權典侍局中山氏生皇子祐宮市廳賞合九十講舍民乃金十兩以上奉行手賜金四銖九兩以下下褒詞皆録名収之于廳庫 十月二十一日暮有星大如太白流西南自分大

孝子

主出不寢

小二而滅 十一月二十日大坂大火 十二月五日又大火六條磧上漁夫七事父母孝父病濕卧者十餘年七赤貧而付膏藥摩遍體未嘗一日怠父性嗜海魚日進之亦使不知難治父時欲洗浴亦負行買之其妻亦能事舅姑無有違命云御幸街民定助事高某忠某沒大患其後衰乃專儉極力賈事日詣神祠禱主家昌遂興為主共舊故勸其或分業或嗣人然思主故辭之尤好石田學主出不寢云幕府賜之白金十枚七白金七枚是歲土佐漁人萬次自亞墨利加歸至長崎納世畧計覽一幅萬國輿地圖

相摸地震

六幅墨籍數十卷并記行沙金鳥銃阿片之屬 六年正月自十六日至十八日江戶及其旁地大雪 二十八日京師火 二月二日相摸地大震小田原城毀市舍壞二千二百餘戶壓死二十人損傷七百餘人箱嶺足柄二子諸山崩塞道路十八日幕府再築西城命加賀仙臺熊本菽安濃津德島等五十二藩助役 三月十一日小濱大火焚死百餘人 四月二十七日幕府貸大久保忠尅金一萬兩助其修城是月幕府罪宮越奸高五良舉其田八萬五千三百石券海船大小三十五艘米三萬五千四百斛大小

明治新史 卷一百一十一 其新撰藏板

御靈鳥居門夏日

豆五千七百餘斛大銀二千九百七十枚古金三萬
六千六百兩金十七萬七千三百餘兩銀二千百八
十貫錢楮鈔重七十貫五百餘錢初五良設賈肆於
秋田與弘前密遣高船與外國貿易又疾宮越沼上
七漁村拒己之涸沼闢田而密沈毒于沼中以盡殺
魚使七村皆失業乃及決沼水事盡覺去冬整獄至
是與其三子皆見樂金澤家臣篠原主殿篠原主膳
篠原儀奧村由井結巴淺井高木等十一人連坐之
皆自殺 五月朔夜下御靈鳥居門無故自倒二日
夜江戶大雨雪雹 六月三日北亞墨利加主斐謨

兩雪 墨使 來 理

美轉達使陵理帥兵艦四艘五百六十餘人來泊浦
賀此內二艘蒸氣船蒸氣長四十五間兩船設車船
中焚石炭以轉之不賴風而日能行百里世未有此
船頃者西洋造之一云墨主姓名伯理璽天德四日
浦賀奉行伊豆守戶田氏榮使屬吏入外船問之對
曰奉國書方物求通信互市我王命臣面貴國重臣
獻之七日幕府命松平細川黑田毛利峰須賀立花
酒井大久保水野阿部中川松浦稻葉米倉加納森
川諸族成武藏安房上下總伊豆相摸海岸起方百
間假館于浦賀久里濱為接使之所命肥後守保科

月言新刊 卷一百一十一 其見妻衣反

容保掃部頭井伊直弼等水陸警衛之八日幕府召
水戶前中納言源齊昭復參營議近衛少將越中守
細川齊護請幕府曰以弊部衆討滅蕃船近衛將監
立花鑑寬亦請為先鋒討之並奏後命九日二奉行
戶田氏榮石見守井戶某及大學頭林健菴久里濱
館接使者陂理以兵三百七十餘人旗鼓而詣獻書
函并洋帛百端名酒五十四瓶蜜醢五壺蒸氣船圖
二幅草木苗五十種因言願大樹尊前閱書函其書
畧曰亞美理駕大合衆國大紗領姓斐謨名美粹達
欽差大臣水師提督陂理呈書於日本國大君

主殿下敬請結好互市二事抑我合衆國東西疆大
洋西望日本國從加理科哞亞馳火輪船則十八
晝夜而到貴國加理科哞亞我一大省而歲產黃
金四千萬兩白金水銀寶玉許多貴國亦多產同
之乃相往來必有大利是以敢請開市矣試市或五
年或十年而貴國不益則宜罷之我商船自加理
科哞至中華者及捕鯨船之近貴海者時遭颶船破
而窘吾尤傷之願貴國速救俟我船到貴國而
歸之我火輪船每費石炭數萬石不得多載故時途
絕之而窮如買石炭或求水則速與之其直以銀錢

月令新刊 卷一百一十一 見書後反

雜貨充焉本國立政七十七年即壬子年十月六日
 幕府商議以為太平二百餘年武備或欠懈宜大修
 之而後答十一日使戶田氏榮井戶某報陂理曰明
 年令在長崎甲比丹傳答宜速還船仍賜和錦五卷
 羹椀五十四烟管五十箇團扇百柄鷄鳥百頭雞卵
 千枚葱五十束陂理奉其命更言往年入泊亦乞互
 市如聽之請假一嶋建商館常算五十人十二日相
 摸之大山浦賀間雨雹是日亞墨利加四艦俱還去
 初墨艦泊浦賀也時發空煩又隸卒上陸奸姪及欲
 還船俄入加奈川洋量焉吏謂之陂理對曰如不許

互市復致軍艦數艘吾為之先鋒故豫量深淺也十
 三日所司代淡路守脇坂安宅奉教入奏亞墨利加
 事帝大憂之十五日勅七廟祝人七大寺主祈
 請夷船却去四海靜謐帝頃賦和歌曰玆羅那眉
 濃多遲諧倭隅堵毛奈耳加世牟和雅阿支巴蘿波
 珂美嘉稅曾富俱十九日對馬守宗義和使石川將
 監等上書幕府曰頃者清國兵亂初當嘉永四年明
 代遺族澳姓者欲恢復先業煽岳州衡州等民以之
 攻破岳州象州道州等禁胡俗復明風遂陷武昌九
 江安察諸鎮清帝發吉林遼東等兵討之不克多死

清商
告廣
西東
狀

徵兵食於四方皆無稽民大苦而賊軍所過不掠貨財犯婦女今民歸之如市敵藩吏在朝鮮以告未知事實姑以內聞如其違虛伏祈垂免長崎奉行志摩守牧義制亦上清船所告去歲乱狀曰初廣西省潯州府高平縣炭商朱天德憐鄉邑以炭產衰窮散其所貯財濟之會群盜所過抄劫聞天德多貲謀夜掠之或以告天德曰人皆為君死禦天德以謂闔邑賴我產生育吾為忍亡之當使盜盡奪吾財以全邑人矣乃積金銀于宅中夜置酒集人以俟盜至酒酣聞盜來窺使人出曰縱汝徒悉取我財是欲莫邑人為

汝等所害也肯之汝等亦共飲為盜大驚曰仁人哉我雖盜何掠若人財皆入謝相酬而去甬後盜屢來訪天德縣令疑之囚天德盜傷其無罪而繫獄蜂起毀獄奪之還山立為主移檄四方民爭從之屯成滿方十里人蓋髮著明代衣冠尊天德稱王京師發兵遣滿官賽章何討之敗召還章何數其受賂耽酒色斬之更遣王草全征討然賊勢甚熾悉下廣西以去歲為天德二年先年蝗時民為咸豐天德二符附之於稻房咸豐處皆枯天德處皆熟是以民仰之如雲霓又廣東有賊王寶者大集民所在攻奪自稱大

明倫彙編
刑部典考
卷一百一
一
其見書載

王無幾亡，朱賊亦烏合，師當不日而亡，但非前明帝
裔云二十二日，從一位左大臣征夷大將軍薨，年六
十一。是日幕府遣少老越中守本多忠德勘定奉行
左衛門尉川路聖謨等巡視浦賀及其傍岸。七月
朔幕府移合衆書於諸大名旗本，因曰：亞墨利加所
乞非容易事，宜熟讀此書，建白是非得失。十二日江
戶大風，鷗群飛於芝麻布高輪繁地之間。十七日魯
西亞國使布恬廷帥兵艦四艘六百九十人來泊長
崎。此內二艘加模赭都蛤船云：福岡佐賀大村五嶋
等諸藩發士卒備之奉行。筑後守水野忠篤使屬吏
入外船問之，對曰：奉王書也。願謁貴邦重臣，獻之忠
篤奉教，受其書畧曰：俄羅斯上宰相子也，利羅德欽
差大臣水師將軍布恬廷呈書於大日本國貴御
老中，以懇乞三大重事。其一則修隣國之好，二則正
界辛太嶋南岸中，貴國極北與本國極南相錯之
處，使邊民勿失利。三則開市於貴國海口，相換貨
物。暨本國兵船往加模赭都蛤北亞墨利加者，有急
而需物於貴國，則給之。俄羅斯即魯西亞，或云辛
太中我疆內多產石炭，魯西亞欲奪之，故乞正界。是昏
彗星見西北，光芒四尺許，至二十一日乃不見。八

魯西
使布
恬廷
來

彗星
見

彗星見西北，光芒四尺許，至二十一日乃不見。八

月尾張權中納言源慶恕上書幕府請停紅毛雜貨代之以大煩戰艦六日 帝遣前內大臣藤原實堅少納言清原宣諭于江戶贈大將軍太政大臣正一位賜謚曰慎德院准后遣三位藤原有長弔之幕府築煩臺于品川海東一里所其西臺廣一萬一千坪中臺一萬三千坪東臺一萬五千坪高皆二丈四尺各相距八町至明年四月成又築數臺十日幕府始許諸大名齋火器入江戶十五日 帝命放生會使并祈國家安穩戎類却退時幕府以慎德公喪禁天下音樂因諸祠祭會皆廢而是會也八幡封內弛音

樂三日以行之二十日近衛中將薩摩守源齊彬上書幕府曰敝藩屬國琉球那霸港有北亞墨利加船四艘來泊泊間圖寫山嶽測量海洋時會在港英咭喇人而港上積其所漕石炭三十一萬二千二百斤前月四船先後還去自五月天下大旱至于是月賀茂川不漕宇治河獺窟見龜石出是月江戶木商源八上書市廳請設水寨水柵于海口禦外船妄入因獻其方畧是秋開上野藤原山道自越後通于下總銚子利根川 十月大有年幕府命紅夷上蒸氣及由屢歇吐等諸戰艦十數艘因言明年舶來之次納

之而諸艦以空虛難漕則載土苞底之晦日遣大目
付肥前守筒井政憲勘定奉行川路聖謨及儒負古
賀增等于長崎賜老中答書于魯西亞使略曰貴國
思兩國邊疆之交錯欲加釐正則諭飭邊藩細加查
覈查覈必按圖籍確有憑據不許絲毫踈繆若夫貿
易來往之事則祖宗遺法有厲禁歷世所遵奉弗失
故曩者貴國有開市之請而我邦業已固辭但今宇
內貿易之風駸駸日長誠不能取古例律今事項者
合衆國亦來乞市日後列國之乞市者必接踵而至
夫列國乞市之繁如此乃是我盡一國之力應兼星

江戶
徵萬次

羅基布之萬國其力之給不給未可知也且如我境內
邦土之貢檢其多寡亦豈且夕可辨之邪矧我君
主新嗣百度維新如斯等重大事須奏之京師告之
列侯議定而後從事顧勢不獲弗費三五年之時月
况我國之於貴國壤畷相接宜加鄭重故特遣重臣
二員於長崎會晤布恬廷以盡其曲折幸有以諒之
不宣 十一月五日幕府令禁蕃語頃者武門始習
西洋武事摸其戰艦劍銃戰袍等而行之者漫用蕃
語故有此命於是其不難譯皆邦語翻之七日幕府
徵土佐漂人萬次為普請萬次以天保末漂流為墨

明治新刻 今曰鈔 卷一

其現妻載反

船所救經軒巴布國適北亞墨利加為救者鞠性敏
游學六旬略通之為救者女婿業釣鯨每航大洋居
十三歲欲還乃往南亞墨利加摘溫泉所出沙金為
路資反省舅妻稱復摘沙金航抵軒巴布誘向留焉
二儕著琉球遂至長崎告曰北亞墨利加七王有三
十六州無世王每四年舉賢者代之氣候齊我邦軒
巴布夷人省言巴布距今五十年墨人聞之一王統
七嶋每嶋大如我四國氣候常暖西洋商舶多湊焉
巴布有一本邦大刀言日本以此斬首而感其武勇
云薩摩守源齊彬上書幕府曰前月十六日亞墨利

溫恭
繼恭

加艦三艘來泊那霸港問之對云一艘八月自那霸
至無人嶋而還二艘自中華廣東省香港來內一艘
留那霸二艘將往中華而自廣東來一艘卸石炭積
港上故敵藩令益飭兵備增築煩臺十四日幕府命
會津熊本菰鳥取岡山川越忍柳川諸大名戌武藏
相摸上總安房海岸詔以權大納言右近衛大將
源家定為征夷大將軍轉內大臣補源氏長者右馬
寮御監淳和并學兩院別當賜牛車隨身兵仗右大
將如故二十三日天使權大納言藤原實萬前大
納言藤原俊明就江戶拜焉准后遣侍從藤原雅典

仇報女鷹

慶繁晉^ラ龍大臣藤原尚忠左近衛大將藤原忠香東
 下陪拜席大將軍慎德公第三子時年三十二十八
 日淺草倉側女鷹斫殺其兄雛與鷹信太郡波賀村
 民忠次之妻 十二月布恬廷上陸請廳受幕書明
 年正月八日四艦俱還去三日町奉行中務少輔淺
 野長詐發米五百斛賑西陣窮民三千人對馬守河
 野通訓發米二千斛賑諸巷窮民以絲帛乾耗物價
 騰踊故恤之 帝大憂外舶闖入十七日 詔大
 廟及二十二祠祝人祈不汚神國不損人民七日仍
 祠給白金十枚又罷比月歌會時七大寺及比叡山
 亦奉 詔禱之七日其略曰夷船頻來 獻念不安
 偏仰佛陀冥睎祈請速攘夷類莫損國體暨天下泰
 平寶祚長久武運永延萬民娛樂二十七日幕府奏
 再鑄一朱銀重五分自明年正月行之

今日鈔卷之一 終

明治新報 今日本報 卷一

其親樓藏板

今日鈔卷之二

從六位下和泉掾源照矩草稿

墨薩 陂理 再來

安政元年正月十三日墨薩利加將陂理帥兵艦七艘六百數十人來泊浦賀此內三艘蒸氣十四日幕府遣付石見守井戶某町奉行對馬守井戶學弘大學頭林健等于浦賀按問之十六日墨艦皆進泊本牧夏嶋爾後數發空煩量海底十八日幕府命金澤預衛大內命水戶預衛江戶城仙臺久留米米澤預衛其諸郭門郡山淀等亦預衛禁郭餘皆

明倫彙編 家範典 卷一

十一

衛江戶及諸道要地二十四日大將軍使左近衛中將讚岐守源賴胤侍從播磨守由良貞靖朝獻謝進官之恩二十五日浦賀奉行戶田氏榮石見守井戶某等遺陂理乾饒六宮橘子十宮鷄五十卵一千蘿蔔八百胡蘿蔔千五百葱七束雜菜五百束以問其病召見副將阿單須謂曰闖入內海國制所禁宜速歸浦賀港對曰自遠方航海甚苦空日有得貴答即還素欲直造江戶而請故且入內海敢請自茲入江戶上書不許阿單須乃上書氏榮等二十七日墨艦又進泊大森加奈川川崎明日迫品川煩臺二十九

日浦賀奉行伊澤政義井戶學弘林健等自浦賀反加奈澤計接使之所京師町奉行屬吏津久井清影著陵墓一隅抄成尋又著聖蹟圖志清影博學屬文識者以二著為精的云二月少將越中守細川齊護撰死士備攻具固請幕府討滅西墨利加使船不許十日詔大廟及二十二祠祈請速垂神助以伏外夷靜國家又詔七大寺及延曆寺祈請夷類降伏國家安全寶祚延長武運悠久萬民娛樂是日幕府計帝避外寇之地遣使大學頭林健對馬守井戶學弘美作守伊澤政義目付民部少輔鴉殿長

銳等_ヲ于武藏橫濱村假館應對_ス亞墨利加使既畢饗_ス
之於是_レ陂理上書略曰謹_テ羨_ニ日本政府與合衆國
相親之命使者亦大慶之然而不定其約條則兩域
人民猶懷未寧_ヲ乃示約曰泊船之求肉菜入其直給
之求薪水亦給之曰士卒以養生故上陸許之曰測
量海岸為欲以其所記呈_セ政府故其上岸立標勿禁
曰諸商船與奉勅釣鯨五百艘皆絕糧食薪水乞之
貴港厚恤之十四日日光新宮神室震_レ部戶自開十
六日幕府賜墨船物中有米百斛每苞入五斗使角
力等數十人授之有白真弓者躬舉八苞而運_レ頂戴

日光新宮震

其一苞掌踊其一苞小柳者亦墨人大驚其力量乃
請與之角力選最有力三人共觝小柳小柳挾一人
躍一人揚一人墨人咸拍掌大嘆賞問譯人曰彼輩
多力何以如此哉曰食日本美米飲美酒故也二十
五日勅大覺寺法親王慈性上_ニ嗟_レ成帝真蹟金
書紺紙般若心經_ヲ親開其封使奉歸設大法會禱
天下安寧年穀豐登或云古來大變_ニ勅修是會弘
安元寇亦修之二十八日幕府令撤武藏相摸伊豆
上下總等海岸諸陣自去歲六月諸大名奉教脩之
惣兵三十三萬六千三百餘人至是皆罷歸二十九

慈性親王奉勅安寧豐登

小柳與墨三人角力

聖謨
政憲
共呈
疏

日京師雨雪積五寸是日陂理請林健井戶學弘伊澤政義等十數人船中饗之三月三日林健井戶學弘伊澤政義鶴殿長銳會陂理于橫濱村許其泊下田箱館二港入錢求薪水食物石炭居下田沙子嶋方七里約貸箱館地若干十日左衛門尉聖謨肥前守政憲共呈疏於老中阿部正弘曰僕等使於長崎反命未被報而幕下已命對墨使于加奈川聽薪水糧之給絕石炭之卸地加之開伊豆松前之港薪水糧之給絕猶或可許何為假之以伊豆方七里之地矣墨使所敢請皆出於其私欲而獻書中所無也

如斯則渠威惟加我制惟廢但其應對無記載故委曲難知也僕等不可通好開市固信答書中云不能以古例律今事之意乃奉使長崎也嚴宜國禁抗辨俾還為私間接墨使諸吏心許通好開市主因循姑息故無難也若夫魯使聞墨使之所獲必謂雖幕肯許諾政憲聖謨不肯之密為答書以障我願矣乃起不虞事執僕等殺而戮被執見戮為君主且國固甘心為故始就長崎也令黑田美濃守將命曰苟惡張皇國制須焚殺余兩人矣因計具硝船入魯艦也渠如得折僕等面請老中少老則僕等不得復開口而

大内災

魯蕃之事及得易決哉然事至於此則必損國體損國體不無自我舉兵不舉則天下志士恚怒必釀喪亂矣今且暗機諸吏及不無所大為如之何僕等不敢建言無所逃罪伏祈近思遠慮有報焉夫浦賀加奈川之應對得具聞之尚努力計穩當而言之十三日亞墨利加七艦俱退赴下田港二十四日甲府火四月六日午時大内災帝奉三神器同新待賢門院及准后九條氏皇子祐宮避火于下鴨廟即日移幸聖護院門院及皇妹和宮更移青蓮院此火起自芝殿會風急西北至淨福寺街今出

川街西南至猪熊街勘解由小路 仙洞宮一條

西園寺今出川醍醐日野烏丸勸修寺等諸第舍及民房一萬一千七百餘間延燒焉芝殿在仙洞宮内故為新清和門院宮自皇姊淑子内親王居之稱為芝殿市廳於妙頭妙覺等三寺為食與遭火民是日弘前大火九日大將軍命掃部頭井伊直弼曰汝家或世護京師自今以後上國有急則速趨焉於是罷其羽田大森之戍命阿波守蜂須賀齊裕代之使信濃守由良貞時入弔災獻黃金五十枚御給三十領御屏二雙進准后白金百枚縮絹二十卷長橋

以下宮女亦有白金之遺尋分給金數千兩于遭災
緡紳助其修宅十五日 帝自聖護院還幸桂殿為

行宮大將軍奉勅造 大内課諸大名助役命

老中伊勢守阿部正弘掌事遣勘定奉行土佐守石

河政平左衛門尉川路聖謨等董役開荒神口漕比

例也二十三日大坂城前門内石壘無故自壞者五

間許 五月五日京師雨雹二十一日林健井戶學

弘伊澤政義等會陂理于下田許墨船居箱館地方

五里尋許泊長崎是月京畿生松茸多如秋日 六
月幕府賜大坂長堀街孝女寅白金七枚時十七歲

寅孝女

寅十歲其母病蹇失明父亦多疾寅事之盡力特愛

二妹以供父母之樂云十日下午田亞墨利加艦皆還

去十三日福井火十四日夜伊勢伊賀大和近江地

大震四日市驛廬舍盡壞災壓死八百人伊賀家多

壞災植野壓死百七十人奈良市舍多倒春日祠毀

其石燈壞千七百基全五十基膳所城櫓壞二字山

城甕原地裂涌水明日又大震少將肥前守鍋島齊

正築煩臺于長崎之神乃嶋伊王嶋成十八日幕府

賞其壯堅賜名刀二十六日江戶住吉街太田六助

斫殺其父幸四之離山田金幸四本堂氏臣天保初

四日市地震

六助復父仇

紅毛使上書長崎

農夫吉次通幸四妻殺幸四變姓名仕水野氏時六助尚幼亦仕本堂氏索離積年至是遂復之二十九日幕府奏復置箱館奉行以竹内保德為之授下野守翌月增一員以織部正堀利熙補之七月六日咬留吧都督漸涅喇兒使甲比丹上書長崎奉行水野忠篤其略曰本國王奉日本政府命索諸戰艦會西洋大國四域大戰于海陸以故未有所索艦到瓜哇到則速上焉本國傳聞貴國聽合衆魯西亞二國愈於阿蘭院二國其始通而得如之本國則已久通信矣敢請自今蒙許齊墨魯一國魯西亞漸辟

土地將併吞差我廉蝦夷延及日本國焉西洋則防禦之而英咭喇親利太泥亞女王俾僕為東方水軍大將以追魯西亞軍僕故欲更帥兵艦而發顧他諸將亦且發蓋英咭喇冀與日本國親睦日本政府請覺其事情或有我兵艦入長崎及諸港輒許之差我廉本朝所謂辛太也幕府會議至八月答之略曰以討魯西亞故乞給諸絕物矣然魯西亞在昔來請通信去歲亦來請和親雖未及許府議將應之故以討之乞則不能給以身窮乞薪水糧之屬則或給之但入泊不許長崎箱館之他矣既而以固請又許

孝女

下田十二日幕府奏廢五兩銀江戶本鄉街女安事
 父母孝一夜有盜三人入掩父母拔刀喝曰不出金
 則斫殺矣出錢安攫三盜衣大哭曰赦爺孃矣爺貧
 乏日鬻菜以僅存為厥錢惟錢本失之爺孃飢矣請
 免請免盜感嘆舍錢而去幕府賞之賜白金五枚時
 年十四二十二日清船陶梅江貽書於其叔在長崎
 者曰去夏五月本船歸乍浦數日王氏二船亦歸其
 春正月廣西朱賊破江南陷南京鎮江揚州三城蘇
 州人民負荷四散是以賈匪俱廢諸貨不行其秋八
 月上海土賊群起乘城郭諸省大發兵戍諸要地及
 江南然戍兵劫抄居民民懼而罷市是以其冬亦不
 能聚貨矣船今也賊軍皆敗績潛匿然旦夕難平也
 浙江省不初騷乃今與王氏相謀各發一艘王氏得
 寶船姪豐利船七月十日賊乍浦十六日發兩廣尋
 源寶船亦發今姪以潮落泊野母將入長崎云自寬
 政中減外船歲額清船六艘紅船一艘為限清船半
 謂春船半謂秋船去夏西歸陶王乃春船也 閏月
 勅公家及堂下官人曰主質素莫僭踰曰節會及
 恒朝衣服隨身諸器勿靡麗曰慶宴賀饗送禮等專
 省略三日亞墨利加一艘至下田歸我民二人二人

執廷 質素 臣行

英使
約茂
私論
幾來

石船郡牧久村船稍嘗漂流至是日十五日英咭喇
 貌利太泥亞女王比俱吐理亞使船至長崎上書其
 略曰大英國海陸總兵官某謹呈 大日本國長崎
 鎮臺奏案下某等奉英國女王命諭軍國大事於
 大日本國王殿下近來鄂國猖獗無狀有吞併全歐
 之志吾王哀全歐人民罹肝腦塗地之禍恭告於昊
 天上帝問罪於鄂國既命將出師海陸並進今錄舉
 兵之由以報 大國夫兵凶器也吾王冒危而問罪
 於鄂國洵非一朝一夕廟算將以洩人神之憤而救
 生靈於水火間昨年鄂國遣使於大國約長通音耗
 貿易有無諸執事待以客禮許其請而遣之吾王聞
 之擗踊曰大國洵君子人而鄂國所謂虎狼之秦也
 吁危哉頃者鄂國挾其妖教凌暴土國假名於平等
 利益欲一攫其土地人民土國孱弱不能支告急於
 英國吾王傳檄於同盟發精甲數萬某月日戰于某
 海擊碎其艦艘十隻打殺其將健數千人零賊乘風
 濤而四散或奔竄于外國或惕息於海島吾將乘其
 驚魂未定草薶獸捕而殲其醜類聞諸將經大國海
 土而歸其邊徼今某等艤軍艦數隻於大國大馬頭
 者將跡鄂國敗兵而鏖之以作京觀於東洋毫無關

係大國若以其嘗有和親之約不忍傍觀或天稟英武不勝技癢而有一彈一箭以為其後繼某等部下將校洩怒於大國形移執轉而天下之旗改其所指則大國其何以應之與言至此雖甚類不遜精誠之所激不覺呈露肝膽鄂國流涎於差我廉地方者于茲有年行并吞蝦夷以北千島以隸其部落自皮至肉自肉至骨髓而終將吸收精神而止吾曹亦為大國寒心大國其熟慮深計而莫為狡焉今通款於大國竭區區之意者欲使大國先得一著於局面也英國惟敬天而愛人力可能取而義不敢取豈傲鄂國壓倒小弱而自大乎此所以英國橫行于世界而駕御桀黠諸國也自今以往英國船隻取道於大國管轄者不論何地何港舉徽而入下錨而泊或繕哨船或取薪水不必一一請謁請下令於沿海諸道使知無他腸今英國與大國得立盟結義為東西呼應之勢則鄂國形露勢阻不得逞其凶虐吾王東望欲明此衷曲於大國者不知歷幾寒暑然軍旅之間不能幣儀而盡拜趨之禮臺其知悉而報之於 殿下速賜報決不任戰栗之至曆數一千八百五十四年水師提督約茂私諭幾謹筆或云大馬頭大音對頭音

魯艦來大坂

島蓋指對馬嶋是猶胡元指平戶謂平壺又云修俄作鄂是指俄羅斯八月長崎奉行水野忠篤目付永井岩丞等奉教應對英咭喇使者于廳中凡四次二十三日許其泊長崎箱館二港求薪水糧之屬二十九日使船皆還去九月十八日魯西亞兵艦一艘從南海來泊大坂海中起幟曰於呂之也蓋弘法草也將卒三十人許乘子舟入河口拜吏捧書指以請達市廳而反本船幕府檄和歌山郡山明石尾崎高取岸和田高槻三田麻田狹山伯太小泉諸藩備之于海岸十九日彥根發士卒四千人陣京師本能寺郡山波龜山膳所亦各發士卒千餘人陣東福寺出町山崎伏見鹿兒島熊本亦發士卒東上備之二十八日膳所火十月九日魯西亞艦退泊加田浦遂南去十五日其艦更來泊下田港幕府遣大目付肥前守政憲勘定奉行左衛門尉聖謨下田奉行美作守政義目付松本重及古賀謹一應接之十一

地震海溢

月四日東海道美濃加賀紀伊攝津播磨地大震二子山崩塞道路自伊勢白子神戶以東海溢下田震溢俱甚民弱死八十餘人魯西亞艦損五日東海南海西海山陽畿內北陸地大震東海南海西海廬舍

多壞富士山崩壅富士川矢矧橋壞南海東海海大
溢阿波土佐民溺死無算紀伊破湯淺民家千許戶
沒大島島民盡死志摩破鳥羽城邑士庶溺死千數
人伊勢破山田市舍數百戶安濃津晡溢終夜聞南
海濤聲尾張以東亦多破家和泉撰津播磨亦海溢
大坂怒濤從黃津川入時市人多乘舟以避地震其
在道頓渠溺死七百人是日晡京師西南有聲如雷
南海溢音也越中亦海溢十四日若狹大風發屋十
八日大將軍命井伊直弼常衛大內陣本能寺小
濱修理大夫酒井忠義郡山柳澤保德副為命篠山

青山忠良淀稻葉正邦膳所本多康融高槻永井直
輝戌京師七口命和歌山築煩臺于加田浦德島築
于由良港岩屋濱明石築于明石浦命宮津田邊峯
山各嚴備海岸遙與和歌山已下相為應援二十二
日詔改元曰安政二十四日幕府以災害頻至命
寬永寺增上寺祈請天下安全二十七日行改號儀
于近衛氏第中大赦天下仍勅所司代侍從脇坂
安宅赦京師罪人遣檢非違使右衛門尉大石宣弘
于六角獄釋百餘人行儀于陽明家者行宮隘陝
故幕府以諸道城郭驛舍毀壞令長崎停來年甲比

丹朝江戶於是賜紅毛王名刀二口緋縐緋縐各二
十匹掩障一書案一層藍花瓶等 十二月二日多
摩郡八王山寺掘地藏堂地得慶長小釵三十八兩
小方銀二箇十日仙臺家臣三好武三郎邑日形有
小鳥蔽空會戰日自晡至昏方二里間如夜鳴聲搏
音動天地暮則羊栖沼田山羊栖鼻操山中袖山之
間天明四散至未申之交始戰日死者一二十頭至
明年三月不止鳥形似雀大如鶉云二十一日筒井
政憲川路聖謨奉教會魯西亞使布恬廷于下田許
泊下田長崎箱館三港入錢求薪水糧食石炭之屬

居下田犬走島方七里箱館地方五里二十三日

詔畿內東海東山北陸山陰山陽南海西海七道毀
諸梵鐘以鑄大煩小銃陳之海國要地以備外夷入
寇特餘古名鐘宗寺鐘報時鐘全之 勅幕府布告
二十八日江戶大火晦相摸大山寺火既熄翌月二
日遺燼起堂舍盡燬

二年二月二十二日幕府命福山城主源崇廣上東
西蝦夷地以直隸江戶東木古内村以北西乙部村
以北至季冬易賜以伊達郡四萬餘石地福山即松
前二十八日所司代脇坂安宅奏始治軍于嵯峨衫

衢 三月三日幕府傳鐘蠲詔於天下大名因令印
諸寺鐘銘收之是日彦根小濱郡山士卒共治軍于
衫衢六日幕府令天下禁除戎器之外以銅鐵錫鉛
鑄諸器翫并佛像道具夜有盜入幕府平川金庫竊
金三千兩町奉行淺野長詐等以鴨川大填上請幕
府濬之十三日勘定宮田菅太郎石川周藏來量積
沙深淺亞墨利加船至下田上書乞測量海底嶋洲
陳以使每通支那諸船諸海路避颶溺之難因言尋
復奉報既去幕議大難以謂不許而不服遣使於彼
諭理於是令天下益修武備 帝使使詣 大廟石

濬賀
茂川

清水廟武藏川口鄉民七助妻野野有身二十有一
月而生男俄長三歲大而能言 四月十五日夜京
師有大星流十六日夜有大星自東北流西南二十
五日幕府命陸奥守伊達慶邦成東蝦夷白追以北
愈不津根諸幹鱸鮒俱奈尻等右京大夫佐竹義時
成西蝦夷御神居以北真霖添矢及北岸知床等越
中守津輕順兼守箱館壘成江刺乙部及御神居以
南伊豆守松前崇廣成箱館岬江刺岬七重濱木古
內及東蝦夷惚邊津二十七日夜京師有火光西飛
大如鞠 五月江戸牛込若宮巷賣酒家女變為男

江戸
女化
為男

子女名咲年十五仍去頂髮稱文藏云 櫻町帝復

新嘗也立假神嘉殿以行事自後循用之至是以其

陝陋 勅幕府改作之覆以檜皮寬政之役廢假兼

明門復之古制也以門南隘拓宮地于南仍欠巽坤

之隅各百餘坪以見增跡至是以殿南亦隘拓坤隅

及巽隅遂缺櫻町宮乾隅清水谷家良隅各百餘坪

以路之云 六月會津及石見國有群鼠食苗田圃

多荒 七月十八日夜京師有火光東飛大如鞠紅

毛王使以蒸氣船來上二十九日幕府遣景藏亭次

郎麟太郎于長崎學操之 八月十四日中將薩摩

殿神嘉倒

守源齊彬以其摸西洋制所造昌平船獻幕府仍賜

名刀景光二十日夜大風雨倒新造神嘉殿泛大水

流大橋三十間許再作神嘉殿悉舍舊木不用二十

七日大將軍命治軍于吹上庭中而覽之 九月

皇宮成十四日 勅天台座主青蓮院尊融法親王

落之至二十日而畢二十八日東海地震 十月朔

夜幕士大岡有五郎內房忽有赤蟹二頭步出逐之

翌夜再出少馬地震有五壓死二日夜江戶地大震

城多壞於東北大名郎士民宅舍震倒無算且大火

壓死者二萬五千三十餘人幕士播磨守関盛泰筑

江戶地大震

前守大久保忠恒甲斐守逸見長道美濃守堀某淡
 路守大久保某土井主計佐藤金吾伏屋六助柳瀨
 正鈴木四郎田沼市小笠原宇齊藤正作三十郎福
 山某根津某幕医佐藤道安堤宗琳等皆居小川小
 石川本所而死于其宅中幕府於幸橋廣小路淺草
 深川等為食與窮餓者日光王府亦於寬永寺及永
 代寺施食伊達氏亦施米一萬苞幕府奏益開蝦夷
 命箱館奉行掌其事先是江戸清水氏無嗣廢至是
 遣其遺臣及士庶千數人教化之乃講文武闢田野
 牧牛馬畜可食可藥會獸索金銀銅鉛伐大木及薪

植草木造器具掘石炭採藥捕鯨 十一月二十三

日 天皇自桂殿徙新宮御道今出川室町三條畷
 町左大臣尚忠以下公卿前驅関白政通後乘所司
 代安宅以下武士陪從縱民觀儀衛是夜准后九條
 氏自桂殿直還 内權大納言幸經權中納言公遂
 參議基貞等從焉 十二月四日大將軍賜名刀光
 重于老中阿部正弘黃綰五端于少老遠藤胤統以
 慰造大内之勞八日使越前守六角廣泰朝賀徙御
 新宮諸大名賀使故各自部内祭之於是以邊備繁
 多始許京郎吏入賀唯加賀藩自國遣使如例

三年六月幕府奏再鑄八銖金款曰政先是幕府築煩臺二于畷浦至是其一成太政大臣政通辭関白

七月三日鴨川濬工成自五月興功役市巷村落三十五萬六千人幕府為費金十萬兩不給故町奉行令諸豪商出金助之九條南北川隘且積中多竹林自其北涯至南涯十餘町間人行積中故水則不得度於是廣川伐竹增堤開道于堤上世大便之五日新待賢門院薨年五十四二十三日盛岡八戶地大震盛岡俗呼南部相傳藩祖光行從源頼朝建戰功賜甲斐南部郷因以南部為氏尋徙今地遂稱

大坂大雷 江戶大風 海溢

焉自六月江戶及陸奥多雨人服絮衣自五月京畿不雨至于八月七日江戶雪八日以左大臣尚忠為関白十一日夜大坂大雷震三十八處二十五日夜江戶大風海溢城樓濱第諸武館市舍及永代橋為風溢所破民死傷者多是秋幕府命高松松平頼胤松江松平定安築煩臺于大坂海口 十一月十九日京師雷

四年正月関白尚忠辭左大臣四日以右大臣忠熙為左大臣前内大臣經久為右大臣賜隨身兵仗二月經久辭右大臣八日以内大臣輔熙代之權大

清商
賊告朱
亂

納言右近衛大將源基豐為內大臣賜隨身兵仗權
 大納言藤原實萬兼右近衛大將補右馬寮御監十
 九日清船江星育等上書長崎答於問朱賊狀畧曰
 紅巾賊起自道光未討之數年今平十七八而南京
 城賊恃其堅固死守不降因諸省竄賊復蜂起自去
 歲春至秋攻畧城地劫掠民家湖北河南江西安徽
 等皆罹其禍八月蒙古僧林詭奉勅帥精兵數萬連
 破賊軍悉復城地遂與江蘇守兵合勢以備南京鎮
 江等餘賊注蘇守兵自咸豐三年向榮大人徵之於
 諸省近日則廣東湖州惡少年多來加焉侵掠蘇州

民不異於賊去歲七月其徒謀反招集萬餘人向榮
 大人以計鎮之未幾卒於是惡徒將復起蘇州知府
 蘇燼知之乃以屬官郭振瑞為廣東產令之嚮導自
 帥銳兵若干八月望夜襲擒其魁十七人黨百餘人
 明日誅之于城下遂悉逐廣東人蘇州賴始息肩焉
 冀不日復南京民和商昌去歲九月廣東省亦執所
 逃來紅巾賊十三人誅其七人囚餘嘗英咭喇船雇
 此賊為司舵於是苦請赦其罪歸船而廣總督葉名
 榮弗聽仍嚴禁英人至城下置兵警衛十月十日英
 人卒起逼城下縱火焚市舍延燒三日市舍盡燼榮

大人怒遣官兵悉焚英賊館舍飛檄四方將廢之英賊懼而請和請再造市舍復舊獻造屋銀六萬貫錢然英夷姦黠變詐自後若之何謹錄傳聞以上

四月十五日 帝賜六六歌仙詞冊於奉造宮役諸

大名各一部以慰其勞於是護京師彦根小濱郡山

衛工場淀膳所篠山高槻尔賜御扇晦四條橋成長

五十一間四條磧故為島以比店舍水僅通東西涯

際川漲因每溢去秋町奉行淺野長詐告幕府課祇

園會境諸街建之以疏川道 五月二日白川棚倉

夏日雨雪

之間雨雪積二寸 南庭垣際始列植松檀幕府奏

始鑄箱館通寶鐵錢行之蝦夷基豐罷內大臣十五

日以權大納言實萬為內大臣右大將如故權中納

言オホキナ藤原實德兼大歌所別當是月盛岡美濃守南部

謹敦請幕府鑄新鐵錢于其部內文曰寬永通寶背

文曰十自茲七年之間歲鑄十萬貫文 閏五月二

十三日駿河地大震海溢破興津隣村 七月朔龍

野大風拔樹斃屋十七日幕府教薩摩守源齊彬曰

紅夷言亞墨利加佛朗西並與琉球約事請我國亦

與之約事紅毛使造卿董其事二十四日幕府奏聽

亞墨利加使巴爾理士請延見之一十六日水戶前中

納言源齊昭與其子權中納言慶篤同上疏幕府敢
諫大將軍見亞墨利加使尋上書前関白政通請止
見之 八月朔以日食廢節明日行之幕府奏以所
司代脇坂安宅為老中美濃守本多忠民為所司代
溜直大名連署諫大將軍見亞墨利加使其疏曰降
書告許亞墨利加使入覲待之重於甲比丹一等奏
之京師云是幕下非一朝而亡其職掌萬世之格耶
當渠始請見之時微曹有奉内意則議論盡之矣諾
而後雖論無敢矣而微曹世奉重職故雖逐事不爭
自獲罪也惟今忽國體肇見墨夷則諸蕃必繼踵求
無倪矣幕下豈聽之而一一見哉今日許入覲廢前
日除國辱之令何以臨天下矣別疏陳國辱利害敢
請更商議勿延見焉溜直寬文初置以監老中本任
高松彦根其後加會津為三家既時增之今松山桑
名忍姬路亦任之二十五日松山大洲地大震二十
八日大將軍增其侍臣丹後守本郷泰固秩奏列之
大名為少老 九月參議左大辨藤原光愛從三位
清原宣諭等四十人有罪 勅削光愛宣諭官職餘
停朝參近衛少將肥前守鍋島齊正上疏幕府請罷
見墨使而征討之以雪嘉永己來恥辱 十月十四

墨使
巴爾
理士
入江

日亞墨利加使巴爾理士自下田入江戶十八日詣
老中脩中守堀田正篤邸二十二日帝觀散樂于
西庭諸公卿與所司代陪衛侍二十六日巴爾理士
詣堀田正篤邸告曰雖上書于大君今親上言以詳
之其略曰合衆國自禁有土於異域故諸外邦求屬
本國其隔絕地皆辭之曰自造蒸氣船以來益事互
市由是西洋諸國皆富曰自造蒸氣船以來視遠域
猶隣里因欲與諸邦和親如同族是以拒結好之國
必除之曰世界無有拒和親者貴國亦聽之則請許
二事其一置合衆宰官一員于貴府下其一縱諸邦

商船入港互市此二事不啻本國請西洋諸國所望
也曰日本危難在英咭喇及歐羅巴諸國嚮日英咭
喇將約茂私論幾與貴國契約也英咭喇不可而言
約事不同諸邦莫諾矣仍欲伐貴國曰英咭喇惡魯
西亞蚕食諸邦故近來與佛蘭西合軍與之會戰而
懼其所有東印度亦為之奪曰魯西亞欲併滿洲及
清國以其甲取東印度英咭喇亦欲得差我廉及蝦
夷以橫絕魯西亞軍曰清國距今十八年以阿片事
與英咭喇數戰多亡軍卒奪諸港及南京其終行成
也出億萬金以償阿片直今再英咭喇佛蘭西共伐

清國而佛覬高麗英覬臺灣初英佛伐清國也遣使請共攻然本國弗聽之曰阿片烟草產于東印度距今三十年清國唯廣東行餘省不行在今諸省密行每歲為之損二千五百萬兩阿片之為毒也弱身體耗精神人一味之必欲復英咭喇冀弘諸日本同清國以專利為合眾為貴國甚危之也與英咭喇交易須禁阿片曰日本開市同諸域而迎我國宰官督之則莫如清國乱作也曰諸國遣使約事須答云世界第一合眾國與我國約事如斯條件然則莫有違乱者曰亞墨利加佛堂邪獲堂並在而民隨意歸依曰今時世界互市之風也移潤餘于涸竭以行平等耳曰諸船每市納稅世界通義也亞墨利加則以其税金足國用餘藏官庫曰僕來日本之途至暹羅與約事既又與佛蘭西約事是本國知英咭喇欲屠暹羅故與約將為暹羅防英咭喇也曰東印度今為英咭喇所有是不與西洋諸國契約故也彼如與契約則諸國援之矣請日本鑑東印度更開市以與諸邦相識曰戰艦蒸氣船戎器之屬貴國欲用則本國送之水師陸軍亦送之曰僕於清國香港會英咭喇大將某某曰吾使於日本矣因示書四通內有云率蒸氣

船五十艘往江戶更約二事其一置一官于貴府下一縱諸域商舶入泊互市如意也言不之許自我動干戈矣佛蘭西黨之必俱來求同事某言今茲三月到江戶而其緩者與清國戰故也然清國不能久支也戰止必來矣貴國其為應之之設僕惟為之設莫善於許互市許之則僕飛書於英咭喇佛蘭西告日本政府與我約互市事許諸舶入港貿易然則所言五十蒸氣船之來亦一二艘而已矣貴國信用僕言僕為安全之媒是無上幸也君其熟慮與同列決之十一月六日堀田正篤令丹波守土岐賴旨左衛

門尉聖謨等會巴爾理士于蕃書調所質問前月其告中疑件金澤麻兒島仙臺熊本以下二十一藩共上書幕府曰告云依寬永以前例延見亞墨利加使矣吾曹評議之皆曰寬永以前蠻國來朝也皆卑已謙辭以貢獻是素為我國規模矣然其後嚴禁與萬國通信今者亞墨利加使陂理者航來也尊大己國輕蔑本朝而恣言無道失禮矣執政申諭國禁不奉則恐懼為議其所請故及有今日之事乃為蠻夷所辱莫大焉諸藩深憾汚先祖名為子孫瑕因請亞墨利加使朝府之日一免連名者牙參且又比年物價

涌貴故諸藩甚疲於江戶邸費會同路資而難走命
 敢請依寬永以前例使連名自來年十歲之間土著
 以勸農桑講兵學富國內強兵士而備萬一內變外
 患奉殊勤焉信田仁十郎堀田芳輔蓮田藤藏相謀
 刺殺巴爾理士十六日夜俱潛入小川街蕃書調所
 垂刺之為幕吏所拘或云仁十水戶宰武田伊賀正
 生臣藤藏水戶農夫各有謝世和歌云二十一日巴
 爾理士朝幕府獻書大將軍臨大廣室見之賜以時
 服十五領饗之于聖堂 十二月二日堀田正篤等
 造巴爾理士謝其懇告巴爾理士曰明後日屬月曜

大將軍見墨使

日願以此日決事四日正篤奉教會巴爾理士巴爾
 理士再上書固請置宰于府下開市于十港五日幕
 府遣大學頭林健目付津田羊三郎西上奏亞墨利
 加事或云川路聖謨建言且使使奏聞而後許故使
 健等奏之蓋奏事皆送書以聞故謨云爾十六日幕
 府移示合衆國書巴爾理士言于諸大名因曰墨使
 所求非容易也有思慮速上言二十九日傳奏前大
 納言菅原聰長前大納言藤原光成接林健等於是
 健上亞墨利加國書并巴爾理士所告諸件因言略
 曰萬國之風自四五十年前一變皆事互市 皇國

林健等西上奏事

月台新刊 今曰 卷二 其親樓藏板

亦歐羅巴諸邦會議欲開其鎖而重墨利加為之魁
 首故遣彼理求和親若弗聽之彼必來寇矣事見船
 來諸書曰疇昔與亞墨利加和親也約十八箇月後
 置其吏于下田因之辰歲七月巴甫理士齋國書來
 固請見大樹公以獻之是以去歲以來數應接之曰
 前月延見巴甫理士是月四日巴甫理士再獻書乞
 置眉亦西吐兒于府下縱諸域商舶與我邦商人直
 貿易為之開港十所幕議欲除其不可之外許之然
 事與嚮許入泊給絕物大異故使臣等入曲奏之曰
 開港十所欲減省之互市場欲避京師開之於江戶

邊以綴 聖襟焉二卿報曰孟春多節不遑會議應
 竣畢節之後眉亦西吐兒蕃官名是月肥前守鍋島
 齊正上疏幕府曰重墨利加船闖入內海而橫行然
 幕下以方今武家衰弱故恐國辱圖穩和亦良計哉
 然國法自 神武開國儼乎威震萬國矣東照公銘
 紹其緒再造天下建功至大定呂不輕然今者為墨
 夷所剝其政因而諸夷繼踵今已聽墨夷朝府且見
 也求皆得之是蓋豫期志願次第者而其無已哉竊
 聞 聖慮為之惱矣可不懼乎今實國家安危之秋
 也敢請為連枝及列藩更計畫外事不肖素荷岳高

其見妻載反

之恩矣臨難安不報嘗推考夷狄內外事情彼見武
 衰結和親者遠謀篡奪皇國也守武士之事固尚
 果決矣始患難終安與前甘心後危孰好幕下絕於
 彼則彼必入寇然諸藩并力擊攘之不及旗本出陣
 而事平矣故祖奉東照公明命辱守國關長崎襲守
 二百餘年以為家之重大矣乃聞墨夷朝府也遺憾
 恰如為敵兵破後門不肖雖過言以效苟謝恩之志
 且又欲使家臣習熟防戰之術躬督足食足兵之事
 以奉助非常之役因請更許土著十有八年焉時他
 藩亦多詣營上疏 今日鈔卷之二終

今日鈔卷之三

從六位下和泉掾源照矩草稿

老中 入請 墨幕 事
 安政五年正月五日所司代美濃守本多忠民堀川
 館災是日大坂火市舍千許戶燼八日大將軍命老
 中備中守堀田正篤西上曲聞亞墨利加事請許其
 所乞勘定奉行左衛門尉川路聖謨目付肥後守岩
 瀬某等副之十六日夜京師有火光西南飛大如日
 十七日 帝召諸公卿商議亞墨利加事二十三日
 亞墨利加使巴爾理士自江戸歸下田二十六日

帝召大臣以下參議以上三十五名再議亞墨利加事各上封事多云勅諸大名建言二十九日幕府賜

巴甫理士書并藥物鷄卵問其病使伊藤貫齋診之

二月二日修 仁孝帝十三年忌齋行懺法講于

清涼殿至六日畢三日奈良大雪五日老中堀田正

篤勘定奉行川路聖謨目付岩瀬某等入京師館本

能寺先是幕府修補大坂城夷天保山以營煩臺令

彦根起寨于鞍馬口至是煩臺成九日侍從老中正

篤朝獻黃金五十枚金香鳳凰伽羅准后及関白太

閤傳奏亦有進贈或云贈関白尚忠太閤政通傳奏

聰長光成金各五百兩尚忠聰長光成並不受十日

江戸大火十一日傳奏權大納言菅原聰長權大納

言藤原光成莅本能寺接堀田正篤川路聖謨等正

篤特饗之是日中将阿波守蜂須賀齊裕密上書曰

林大學頭津田半三郎堀田備中守等相續上京奏

請亞墨利加事矣近來時勢不穩而及至今日事件

已大惱 宸襟矣臣誠懼 叡慮何如今日事固為

不容易大事若忽焉奈將來何臣嘗見外夷形勢頻

變而未得以聞今及臨深履薄之世運而諸夷望近

京海岸者誠大難事而危急時逼矣臣為之日夜苦

蜂須賀齊裕上書

慮痛心不安眠食也京師若有非常事臣進軍卒以
 警衛及其遂騷亂身先諸藩入護京師粉骨碎身以
 盡微忠報國恩仰念制置有宸襟安泰之計於是
 又呈書藤原政通曰小官嘗數上書幕府以效愚計
 然一無有採用而諫爭之路絕小官嘗憚時義雖不
 得奏愚慮而今者非可迎適之時也慎思天下之安
 危在今日一決矣祈望殿下命寶祚長久兆民安
 寧外夷威服之處置十三日堀田正篤上書請外事
 其件與林健所奏稍異數日菅原聰長藤原光成傳
 三旨於正篤曰蓋與夷假約雖不得已而姑開港

而去臘二十四日勅以不使彼依泊畿内近國之海
 雖然不得不開武庫港乎曰今者皇宮無有堅郭
 故欲使大藩嚴護衛皇居四面畿内近州曰開數
 港建夷館其制豈有所不究然夷情無饜其漸次募
 求竟或反亂須奏其先見正篤奏對曰武庫之開港
 其對盡辯減事件而許之諸外人素望開市於京師
 大坂及江戶且識昔者外船入思浦而市南蠻寺亦
 在京師等事故不敢兼服然百方論理以僅開之因
 而禁墨人入京畿十里内濟尼崎猪名川若是強而
 定事者非容易矣聖襟請恕京畿之護衛比開武

庫港必嚴之幕府方今專計安 帝心乃如 今旨亦會議必設焉反乱之先見今也不以和親遇彼則構怨於海外諸國忽釀入寇故今計無如聽和親互市以開富強之基矣約事素圖而域無難我不施無理彼莫作反乱而如後日生違而相爭者難豫奏之夫萬一之變負約則諸國入寇猶在目前故自今嚴武備張教化使彼自服之他無復有方策二十三日尚忠政通同奉 旨使議奏傳奏齋書菴堀田正篤本能寺館傳之曰奏聞之條件非容易事矣故 上懼 大廟諸先王神慮何如也今實人心向背國家存亡之期因而欲聞三家以下諸大名建言矣幕府其徵天下藩鎮之言而奏之正篤驚 旨川路聖謨與俱對曰敢請還而少更文菅原聰長為欲之權大納言源建通以議奏在使中前曰此書難更矣是雖關白之命即 上之旨也宜速達之於江戸矣正篤乃奉焉是日所司代兩町奉行伏見奉行等士卒治軍于衫衢二十五日大坂道頓街火市舍一萬三千餘戶燼焉焚死四十餘人是夜越中飛驒地大震立山崩填壅山上七池山下小鳥佐伊兩川山頭神祠壞山麓地裂涌水民家震倒人多壓死飛驒角川羽

立山 大震 大已 貴神 祠壞

壞山麓地裂涌水民家震倒人多壓死飛驒角川羽

其見建載反

根元田月瀨天生等三十六村盡壞亦壓死數千人
 角川等邑在高山城北八里許佐伊之壅至翌月十
 日而決多溺人既而再壅是流水多橫於溪故小鳥
 之壅至秋尚窒其水成瀑前關白政通辭准三宮內
 覽隨身兵仗是月典藥頭小森賴受門人藤勢者於
 其油小路宅與諸同僚俱施療鰥寡孤獨其難步者
 往療初花山院醫負柳田濟著傷寒論解十卷刊
 之又著金匱要略方論解十卷萬病證治六卷至
 是成醫苑謂為良方三月五日幕府送書於堀田
 正篤使之奏對略曰宸旨允當矣然至人心向背

傷寒論解

幕府能操制之願帝心安之七日權大納言藤原
 忠能權中納言藤原實愛藤原實德參議藤原隆祐
 源通富藤原實麗藤原定功共上疏請徵天下大名
 建言而後答幕府十日帝召關白大臣議奏傳奏
 等商議報府之事尤大臣藤原忠熙內大臣藤原實
 萬不朝帝使右大臣藤原輔熙權大納言藤原齊
 敬往召之入議定十一日召諸公卿大夫示報案報
 案有依賴幕府所置之語在朝縉紳多曰其未可前
 內大臣藤原實堅前曰此答稱事之宜矣卿等何得
 非之矣縉紳皆不能答獨藤原忠能怒對實堅曰若

此答則日本不立矣。主上素懼。祖宗神慮何如。然媚幕意而降。此答則舉朝不臣也。臣不敢服從於此矣。議奏推大納言藤原正房亦對曰。臣固不可開市。雖以爭奪邑不能從於此矣。即顧諮左右。左右同聲應之。十二日忠能因傳奏光成上疏。請改報案。薄暮與藤原家信藤原實愛以下八十餘人俱詣闕白。尚忠第懇之。十三日。帝嘉忠能等直言。勅改報案。因令大外記中原師身大史小槻輔世以下諸堂下上疏論之。十四日。推大納言菅原聰長辭傳奏。藤原實萬辭。內大臣十六日以推大納言藤原忠香為內大臣。左大將如故。十七日。命推大納言正房行傳奏事。翌月為真。推中納言實德行議奏事。十八日。陪衛駿河守都筑峯重自殺。或云峯重密矢堀田正篤。遂奏請事不成。故割腹謝之。二十日。闕白尚忠左大臣忠熙右大臣輔熙內大臣忠香。推大納言光成正房奉命召堀田正篤入傳之。勅報曰。墨夷之請事。神州之大患。國家安危係焉。乃以告。大廟累帝奈之。何苟變東照公以來良法。障國民歸向。而難保萬世乎。是以深憂也。往年下田開港固非容易。而今又以所奏條與彼約。則國威不立也。廷臣群

議亦曰當今奏請殊係國體惟後患不測云幕府其降教三家以下諸大名更高議而奏之正篤同本多忠民於小御所奉之既虎室賜酒饌或云於是別命進三廟之奉幣費速設幕府嗣子嚴京師兵備等事二十四日日付岩瀨肥後守奉 勅書還江戶二十六日 帝令議奏建通實德傳奏先成正房等復傳旨於堀田正篤曰約於夷狄之條非可許容矣若眾議纏滯須捷 前旨以答彼矣縱彼變而我何恐哉所賴在申 朕旨矣宜體是意而計事幕府召還堀田正篤是月京師坂樹杜柳樹暴槁 帝命禳之

坂樹杜柳槁

於 禁內相傳慶長中卜部某詐奏曰伊勢大神告曰遷吉田護帝都矣鴨川有鹹味即二見海隨之之驗也蓋密埋鹽於水源云於是 朝廷裁無根柳祝曰此柳榮則大神不遷枯則遷也既而其柳歲茂幹圍五尺而朽今槁者其繼植亦幹圍二尺 四月三日堀田正篤朝告東歸於是又 勅之曰今已夷狄覬覦矣須命大藩嚴衛 大廟并京師京師雖自往年井伊氏等警衛其備未整又有 大廟祝人奏請之事宜速議命二所護衛仍賜大將軍硯匣一合文臺一脚花鳥圖金屏二雙南都八景畫幅賜正篤十

體和歌冊原錄助縮絹五匹立田弥三匹准后亦贈
大將軍嵐山高雄圖對幅曲水與牽駒圖掩障九日
正篤聖謨錄助等發京師正篤後更名正睦二十五
日幕府移示 勅書於諸大名二十六日佐伊彥復
決富山金澤田地千數町蕩壞人多溺死二十八日
堀田正篤召巴尔理士於私邸謂曰夫約條于今難
定者國內人心之不合如嘗所告諭故也京師亦
叡慮為之惱云巴爾理士對曰兩國相談判而後以
人心不合延定約之期者萬國之所無也史書亦未
之見江戶政府不能捺印約條則我不復詣江戶直

紅商始入洛中

幕府復合衆

請京老有權門而談判矣若是則生難於江戶必多
矣卿之所言者無以何日為期限也敢請定期日以
報焉是月幕府以掃部頭井伊直弼為大老特命屢
上直省政事文政中京師民口四十萬餘人今茲民
口三十六萬八千餘人初紅毛甲比丹朝貢江戶也
途過京師巡觀祇園祠方廣寺蓮華王院等而去未
曾有許入京城至是甲比丹入觀東西本願寺遂詣
北野而去 五月六日幕府賜亞墨利加答書曰肅
復亞墨利加合衆國大紘領皮兒設殿下貴國往年
已降屢求兩國修睦交慰靡鮮且現今派領事官巴

甫理士為使節齋書翰謀使兩國人民共通貿易永以安寧調旨懇欵感倚曷已乃宜以章程草案相示也然期日不得不緩者以有我闔國會同商議之事也幸諒察之併祈貴國安全不悉安政五年戊午五月六日日本國源家定其名下印朱章巴尔理士奉之明日發江戶還下田所司代美濃守本多忠民還江戶六月幕府罷備中守堀田正篤中務大輔脇坂安宅老中以懸川侍從太田資始鯖江侍從間部詮勝西尾侍從松平乘全再為老中若狹守酒井忠義再為所司代於是增忠義姊小路邸地賜柳沢保

京師大火

江戶大雷

申日暮地起寨賜忠義保申地者疇昔與井伊氏同命京師護衛故也保申初名保德四日京師大火北自樋口街南至七條鹽小路村西自町尻街東至萬里小路堡巷民房一萬三千八百戶及長講堂東本願寺西念淨運萬年莊嚴崇仙福田金光諸刹洞庭園燼焉京師有一醫闡治湯火傷奇方其劑則取寒中所獲鷹脊贅之白脂入土鍋上火自成油是也夏日以直附傷處以他膏粘其上冬日自凝成膏故塗紙以附皆巾包之更附一日一次雖重期月而愈六日江戶大雷震二十餘處十二日准后九條氏生皇

東岡山 起黑烟

女尋薨十三日亞墨利加艦二艘來泊下田十七日
 遣權大納言藤原公純神祇大副大中臣教忠筑前
 守王任恒大和守齋部則能奉幣于大廟祈請安
 天下伏夷狄此天使過三條京極有黑烟一道自
 岡崎起衝天所司代鳴鐘發救火夫至則無有踪跡
 時以為凶兆江戶大火魯西亞一艘來泊加奈川亞
 墨利加一艘自下田入小柴十八日幕府遣勘定奉
 行玄蕃頭永井尚志下田奉行信濃守井上清直箱
 館奉行織部正堀利熙目付肥後守岩瀬某等于加
 奈川檢之井上清直岩瀬某問於巴爾理士對曰英

幕府 改許 合衆 互市

咭喇佛蘭西共伐清國大勝之乘勢將來獲其所欲
 也我憂貴國不耐其求矣雖然貴國聽我請而署印
 嚮所相約條目則我力諭英佛圖無恙矣幕使聞之
 皆懼十九日清直肥後與巴爾理士相謀取舍舊約
 定互市則十四條花押以許之或云二吏以老中久
 世廣周命答外船曰往年下田所約束他京都不許
 故雖如所告不能應為夷大怒禽二吏恐怖而聽二
 十一日幕府命讚岐守松平賴胤起寨沓掛出羽守
 松平定安起寨八幡越中守久松定猷起寨鷹峰命
 和泉守藤堂高猷預備京師非常命兩池田氏山内

氏成、大坂毛利氏成、武庫立花氏成、畷津以益衛京師、二十二日幕府奏聞、亞墨利加事、二十三日遣權中納言藤原實愛等奉幣于賀茂廟、權大納言藤原忠能等奉幣于石清水廟、並祈請同伊勢、二十四日

幕府會議
嗣事

幕府會議設大將軍嗣子、大老掃部頭藤原直弼、老中備後守源資始、下總守藤原詮勝、和泉守源乘全等與前中納言源齊昭、權中納言源慶恕、近衛中將源慶永等爭論、烏初齊昭以大將軍不肖且無子計、使已子一橋慶喜為西城、以張皇國威、慶恕慶永等亦德憑而直弼與諸老中少老等每忌齊昭故、宣言

迎紀伊宰相為西城、於是齊昭更計、以慶喜先紹將軍宰相為西城、與慶恕慶永慶賴俱面請大將軍以定事、因求面大將軍、然直弼以大將軍寢病、辭不肯為通、而會太田資始以下諸吏及尾張慶恕以下幕族大議、嗣事齊昭等皆曰宰相幼少、今也朝廷命事、嚴異國來窺、頻宜迎刑部、紹征夷職、宰相為其世子矣、世次如是、則萬萬歲也、直弼等曰迎宰相者為當然矣、舊制立世子皆迎血續之近、奚得違其例矣、齊昭大怒而抗論、將與鬪、會間部詮勝趨來呼曰上召掃部殿矣、即扶之而入、齊昭等皆退、牙或云會議以

前大將軍為醫所誤卒薨然秘以議嗣事又云至二
十八日薨是日 天使藤原公純歸途觀網于香良
洲州藩藤堂氏為立亭饗之故二十五日參議源慶
福迎為幕府世子賜名刀長光國光二口尋改名家
茂世子於大將軍為從弟初和歌山魚嗣文恭公第
六子齊順繼之任大納言乃世子之父二十六日井
伊直弼以大將軍命名水戶齊昭告迎紀伊宰相為
西城二十八日禰丹後守本鄉泰固少老停侍醫岡
櫛仙櫛仙子了節等三人皆杜門 七月四日英咭
喇兵艦三艘來泊品川請詣江戶定和親貿易之約

幕府 源德 川慶 昭等

條互取之幕府使使接之五日幕府罷尾張權中納
言源慶恕常陸前中納言源齊昭慶篤父子越前中
將源慶永命橫津守源義比代慶恕日向守源直廉
代慶永停用側土佐守石河政平政平子小性豐前
守本鄉泰固子誥並石見守貶勘定奉行信濃守佐
佐木頭發為小普請削泰固政平邑義比慶恕弟直
廉慶永族用側小性誥並普請並幕府職名先是
朝廷欲徵三家大老等咨議外事 勅幕府上之八
日幕府奏對曰奉 勅雖然中納言慶恕中納言齊
昭並有罪中納言慶篤連坐之餘皆弱輩不可上大

月台新刊 卷三 見妻成反

老井伊直弼任京師護衛故當上然會三蕃艦來告
 事魯西亞軍艦亦續來是以不得發去月二十六日
 命老中間部詮勝西上所司代酒井忠義亦將上請
 及詮勝之入洛為十日幕府命外國奉行玄蕃頭永
 井尚志長崎奉行駿河守岡部長常等會紅毛使改
 舊市則定為十一條花押以許之十一日命永井尚
 志箱館奉行堀利熙等會魯西亞布恬廷許互市改
 舊約定市則十七條花押為十三日使侍從越前守
 六角廣泰入奏事或云辭大將軍請世子襲任之十
 八日幕府命外國奉行筑後守水野忠德永井尚志
 下田奉行井上清直堀利熙等會親利太泥亞意而
 蘭土西使許互市改舊約定市則二十四條花押為
 意而蘭土英咭喇之種初藤原政通辭准三宮內覽
 而未報二十六日乃免其內覽八月八日詔入
 道前中納言源齊昭輔佐幕府左大臣忠熙右大臣
 輔熙內大臣忠香前內大臣實萬權大納言齊敬忠
 房同奉旨認詔略曰嚮奏曰與墨夷假約於加奈
 川不得已而署印之將使間部詮勝上京奏其事是
 非無嘗勅徵諸大名之言予哉抑於行皇國重
 事也署印而後聞則伺叡慮之謂何在其背朝

詔水
戶佐
幕府

命忽國計有司用心如之何縱外事姑舍焉行政如是也國由是而亂歟故欲使公武盡實合體特召三家大老也而對曰水戶尾張與餘族皆有罪云雖未聞其罪狀而當外夷來窺之時斥桺營羽翼之家則必障人心歸向乎微三家以下大名之言者不獨外事欲合公武以安百世也大老老中與三家三卿天下大名及退老者其速會議圖治邦國合公武扶桺營禦外侮焉特命爾列及三卿等相與贊成傳勅旨於四方三卿謂一橋田安清水初齊照之黜遺憾殊甚故欲奉勅相府以遂事因人密奏索此詔於

彗星出

是其京邸留守鶴飼吉受之傳奏司奉發京師是日正二位內大臣征夷大將軍薨年三十五十一日曉彗星見東北光芒三四尺至十七日暮乃轉見西北大如太白光芒一丈許十六日三位陰陽頭安倍晴雄上書奏天象略曰自上旬晨昏彗星見於翼度常陳星側光芒北指其長二三尺戌前没于乾方寅後出于艮方盖入地淺故旋天速也上旬多陰難量十一日乃東進去翼次軫昨夜雖迫紫微太微兩垣未犯入焉其無大禍歟天文大成曰彗者除舊布新餘殃不盡為大旱飢暴疾疫長大見久災深小短見速

明治新史 卷三 彗星

災淺但舊史古書舉其占許多或以為兵革喪亂水火大疫之兆然兆之驗否在政之省否 宸衷益加慎謹崇敬神明則彗星滅乎十七日遣權大納言源忠禮少納言平時萬于江戶贈大將軍大政大臣正一位賜謚曰溫恭院奠金書紺紙般若心經蓋奠經亦比例也准后遣左近衛少將源通久弔之 九月三日幕府命水野忠篤永井尚志掘利熙等會佛蘭西使許互市約其則二十二條花押為自六月改許互市五外國各同約束其條曰永相和親曰自明年六月始互市其七月開加奈川港以代下田曰自今後四十箇月而置市場于江戶五十箇月而開武庫港置市場于大坂應開新瀉港而難則別開一港于西州曰聽設館庫于加奈川武庫長崎箱館等五港陞居武庫加奈川箱館地各十里但武庫禁入京畿十里內長崎限御料地曰米麥禁出而給船糧絕曰金銀幣互行國內曰赤金用要器之餘質之曰嚴禁阿片烟草云彗星自轉見西北夜南漸大夜中其旋地下芒末豎見北方長數丈至是星已抵西方大倍前光芒赤其狀如牛角廣本五寸末六七尺長半天天每二更西沒既夜南漸小至晦在西南光芒二三尺

世始有暴痢

如系而亡自天星出世始有暴痢時呼虎狼痢朝瀉夕死諸藥無驗天下病死不知其幾億京師比諸道為少矣江戶病死十萬人大坂三萬人西海亦甚多及天星滅痢從而息舉世大異之二十三日或斫殺勘定手島重太郎于府下幕府大索黨水戶者執先手部屬中井數馬下田奉行屬吏大沼又三郎鐵炮方屬藤田忠藏二城留守古賀氏臣藤林恭助小性曾我氏臣飯泉春堂小普請阿部氏臣勝野森助兄弟松平又三郎臣日下部裕進福井家宰橋本左内鹿兒島家臣日下部伊三次高松家臣長谷川宗父

老中詮勝入捕

子宇和島家臣吉見長鳳園寺道士行阿游士一蒲市正等命老中下總守間部詮勝西上與關白藤原尚忠謀俾前関白藤原政通前内大臣藤原實萬削髮捕黨水戶者等奏請外事十月間部詮勝入京師館妙滿寺令町奉行岡部豊常等執王人大監物紀正恒有拙川家臣飯田左馬忠彦鷹司家臣兵部權大輔藤原俊璿筑前守藤原良典兼田伊織三國大學一條家臣土佐守藤原則賢若松大藏久我家臣讚岐守源仲襄三條家臣因幡守源常安若狹守源常邦豊前守平正庸富田織部西園寺家臣但馬

月... 少... 其見...

守藤原尚弼青蓮院臣山田勘解由伊丹倉人僧百
 甫大覺寺醫員六物空萬近衛家婢村岡岡部豐常
 臣寬兼三清水寺宰近藤正慎儒者頼醇池内時梅
 田義質畫工浮田一蕙等三條家臣有飯泉喜内本
 江戸某氏臣來為京黨謀主是歲七月之江戸被捕
 儒者梁川孟緯沒後三日覺緯少師北山又從詩佛
 善詩擅名京師鄉邑有星嶽因自號星巖二十日京
 師雷電二十四日京師雷老中間部詮勝與攝津守
 宮原義直播磨守由良貞靖共朝義直賀皇女誕貞
 靖謝贈官謚二十五日以源家茂為内大臣任征夷

家茂
公繼
職

大將軍兼右近衛大將叙正二位補源氏長者并學
 淳和兩院別當行宣儀于南殿比例也兩院別當亦
 世任也時年十三二十七日間部詮勝朝奏其略曰
 主上欲距絕夷狄也幕府固然之諸吏亦願行
 聖旨而非使公武能合體則難絕外夷復國法以綏
 聖襟矣祈且緩絕期 十一月十六日 天使前
 大納言藤原光成前大納言藤原正房大外記中原
 師身以下數負准后使右兵衛權佐藤原親賀與權
 大納言藤原齊敬權大納言藤原忠房適江戸將軍
 宣下故 十二月十四日遣主殿權助王職保神祇

其見妻

權少副大中臣盛光大和守齋部能弘奉幣于大
 廟是神嘗而世謂御祭也季秋將行之也藤波氏與
 其族河邊氏各有喪不可使故將勅平野祠人大中
 臣某行事而祭文有誦法藤波教忠忌傳之於他因
 養參議西日野光暉次子盛光為子以奉使因遷延
 為於是盛光分房于教忠伊勢邑中亦冒河邊氏云
 二十二日夜泉涌寺 靈明殿災火起自 殿中法
 會堂方丈延燒釋迦堂舍利堂四脚門得全東本願
 寺免其境市地租夏火故

泉涌寺 帝廟 災

六年正月幕府令徙諸商戶于加奈川初畫日標幕

教講 武所

府運漕惟用之而自近日令諸藩模造西洋大船許
 諸海船用此標以為 本朝物號至是又令諸海船
 帆幔用白布艦上起畫日白旗以益別外船 二月
 初江戸多置講武所講習劔槍銃三事至是老中太
 田資始奉教傳之講武所曰初銃法且準西洋今者
 銃煩術殆備傳聞武事西洋諸國亦有異同也若不
 省本邦風俗一依紅毛銃法必陷偏固失機宜矣須
 辯論折衷以創銃及射槍步騎兵諸法定其制度研
 之勿慕彼伎術屈我勇武溺夷狄陋習失本邦舊俗
 先是間部詮勝執水戶黨與三十許人檻致之于江

戶二十日乃東歸二十八日奈良火元興寺浮圖延燒諸伽藍亡滅已久矣唯五層大塔遺存亦至是亡

三月左大臣藤原忠熙右大臣藤原輔熙並辭官薙髮十七日以内大臣左近衛大將藤原忠香為左

大臣前内大臣藤原家厚為右大臣權大納言藤原齊敬為内大臣兼左近衛大將 五月幕府令天下

禁異服二十二日 帝賜關白尚忠黃金五枚入道准后政通入道前左大臣忠熙入道前右大臣輔熙

入道前内大臣實萬黃金各三枚議奏傳奏職事黃金各二枚諸堂上金各若干兩以慰外事之勞因

勅曰嚮侍從詮勝入曰云云然 朕為公武又傳旨幕府者再三今 朕欲暫觀幕府所置天下物情

也爾等且含焉 六月水戶士卒多請幕府惣事或云請歸被囚家老某幕府令天下嚴禁貿於外船以

朝服甲冑兵書劔刀公鑑武鑑諸寫本城郭陣軍圖并銅属是夏幕府奏增関白尚忠第地於是撤春日

街市舍以拓之 七月二十五日加奈川及江戸大風海溢溺人損船 八月今出川家號之已久矣至

是奏復其古號菊亭十六日幕府奏益関白尚忠職俸五百苞采邑一千石二十七日幕府断水戶等獄

幕府 断水 獄

數前中納言源齊昭懇外事於京師諮慕嗣於親王
堂上密請 綸旨使微者奉之等罪禁錮之于其居
城函其二子權中納言慶篤刑部卿慶喜停作事奉
行肥後守岩瀨某軍艦奉行玄蕃頭永井尚志西城
留守左衛門尉川路聖謨小普請奉行備前守淺野
長詐駿府町奉行民部少輔鶴殿長鏡水戶家宰備
前守中山信寶等尋斬鶴飼吉幸吉父子茅根伊與
助飯泉喜内橋本左内吉田寅賴醇島幸吉首使安
島太刀佩自殺流剋澤伊太小林良典六物空萬日
下部裕進勝野森助餘或遠放或寘其家太刀佩伊
與助伊太並水戶家臣太刀佩為宰左内博覽在獄
中註資治通鑑訖其漢紀云死年二十六寅字寅次
郎萩家臣工詩及文著函囚錄留魂錄醇字子春山
陽襄之子號三樹又古狂生其罪不重幕府欲宥之
而醇有氣節自比宋文履善在幕庭諫詈不止遂見
斬有二兄協復協仕廣嶋復居京師各業儒義質死
獄中若狹人因號雲濱其學宗闇齋云先是佐倉堀
田正睦上田松平忠優並請退老至是許之 九月
七日幕府奏分金二萬兩于宗室攝家堂上堂下及
宮婢中使眼病大行上國三五日而愈江戶頗劇有

眼病大行

朝發夕盲豐後薩摩等亦劇踰月而止二十七日幕
 府奏分賜蝦夷地於仙臺會津久保田盛岡弘前莊
 內六藩開田野蝦夷謂除松前箱館外 十月自七
 月暴痢復大行京師病死二萬人至是而止暴痢皆
 大渴而懼加瀉不飲能登國試剖二屍臟腑盡焦因
 而風至郡總領村爭縱飲水病者七十人皆愈隣村
 倣之亦不死云十七日夜江戶牙城災再築之明年
 成 十一月幕府再作 靈明殿法會堂及方丈復
 立 四條帝廟 帝賜前大僧正東本願寺光朗紫
 衣慶其年八十本願寺聽紫衣此為始晦夜西陣窮

暴痢 愈飲水

西陣 市人 蜂起

民三百許人蜂起打毀大宮街絲商某家町奉行小
 笠原長常發吏卒捕之有一老俠者自首曰奴為倡
 帥奴年已還曆何死之惜素傷西陣衰微起事敢請
 使織戶營產如故而後被刑矣長常乃檢西陣市執
 奸商五六人自亞墨利加來求絲象昆布等其属日
 貴矣某以為時至停貯巨萬絲象宣言外舶貴市之
 而三倍其價諸絲商為之所煽亦停貯多絲故織戶
 廢業而起會大坂町奉行飛書告長常曰頃西陣民
 多來浪華乞食因収之廳內恤食七百人長常大驚
 悉集西陣窮民手頒金一萬兩諸商亦於石田學舍

其 現 續 織 反

次良 七十 勤主

等為粥日賑之亦費銀百貫錢云 十二月十日大坂大火幕府賞三條市人次良歷事五主忠賜白金十枚次良今歲七十尚勤主云又賜大宮街孝子源吉白金七枚新春日街孝子吉助及其姊政新車匠街孝女麻白金各三枚源吉少事人以親貧困罷歸養之父卧病醫藥盡力送終亦盡焉母命取妻而顧口增母飢後喪之後初娶云麻未從夫婿而父母老因庸織養之不給上街誦鬻伊呂歌訓

幕府 遣使 外國

萬延元年正月幕府遣外國奉行淡路守村垣範正豐前守新見正興軍艦奉行木村棋津守目付豐後

守小栗又一勘定森田岡太郎等二百餘人于亞墨利加國十八日攝津守乘島津氏所獻太元船癸加奈川尋村垣範正以下二百人乘亞墨利加蒸氣船令之嚮導而癸至十月歸或傳攝津守不適亞墨利加至佛蘭西而反二十九日幕府令天下改金幣之直保字小銀當三兩六銖保字一分當十三銖正字小銀當二兩十一銖正字一分當十一銖正字蓋安政政字邊 三月三日水戶家臣佐野竹助黑沢忠三郎等二十六人與鹿兒島臣有村兼治等共擊大老中將掃部頭井伊直弼于外櫻田殺之是日大雨

雪直跣乘篋輿具從者喝道而行水戶黨雨衣奴裝袖銃跪路旁卒起闕而闕殺傷二十餘人林忠為彦根衆所殺兼治被重創明日死稻田重藏高橋良一郎關鐵進海渡崎亦被重創自殺烏竹助忠三蓮田市五郎齋藤監物詣老中脇坂氏郎自首竹助等亦傷甚無幾死大関和一郎森五六郎杉山弥一郎森山繁助詣細川氏郎自首安島太刀佩子某提一誠詣遠藤氏郎自殺或云廣岡義次郎関泰助山口辰助鯉淵要人亦自殺餘不知所之竹助兼治懷和歌世爭傳之五日寺社奉行大目付等於評定所訊

問和七五六弥一繁助忠三對曰前中納言數上書諫外事然諸吏忌而不為通是以未有閉港絕信之舉是故僕等志悉誅主外事者矣是不獨奉前中納言意為天下盡忠也九日日根郡民三千餘人蜂起打毀佐菅源六館及豪農數戶源六投杼遁走前年不登民請薄歛源六曰常免之地奚薄歛為責輸不已故起云常免謂校數歲之中以為常十八日詔改元曰萬延幕府之災是政堂之災故其火比例改號今改之者以去歲災故也二十日大赦天下仍遣檢非違使于六角獄親罪五十人二十三日水戶臣

高橋父子自殺于四天王寺中篠澤自殺于生魂祠
 前皆從擊井伊氏遁來也先是幕府命郡山沓篠山
 膳所柏原等戍山崎揚谷塚原千束宇治牛尾蹴揚
 白川龍華御菩薩等諸要地至是皆備 閏月十日
 小濱大雨雹 四月幕府奏改鑄小銀四銖二銖比
 舊制皆小也昔者小銀錠銀碎銀等多行如泉布文
 政中猶然其後小銀銀子歲耗矣天保改鑄之後行
 者舊時什二無幾共文錢等漸次消亡而世希見小
 銀至是有改鑄名莫見銀形 五月五日秋葉山祠
 災自前月多雨近江山城大水膳所城大津市唐崎

陪衛 奉勅 於江 戶

松瀨田橋並浸半至七月湖始減 六月 勅陪衛
 大隅守大久保忠良齋 詔書就江戶傳之至八月
 反命自古置武家傳奏司其宣傳聞奏皆掌焉今乃
 始不經之而傳故舉朝不知其為何或云 闕下置
 衛陣開淑子內王第等五七事 七月十日以皇子
 祐宮為儲君二十五日英咭喇眉吟西吐兒等二十
 餘人上富士山幕府吏卒百餘從焉中阪遇暴風不
 得行下抵海量富士高遂浴伊豆溫泉自下港還洋
 或云人穴亦英人量之深一千八百尺 八月幕府
 命掃部頭井伊直憲押澤時助保申嚴衛 禁城井

幕府 奏請 尚皇 妹

伊氏陣畏街清和院二門外兼涼極勘解由二門柳
澤氏陣今出川門外兼石藥師正親町乾蛤四門十
八日大將軍使婢勝光院橋本氏入京師奏請尚皇
妹和宮先是和宮命適有栖川王府故敢辭 帝亦
弗聽然橋本氏固請不止云是月水戸入道前中納
言源齊昭卒年六十餘齊昭博學嗜韜畧天保末託
田獵始治軍悉廢佛寺墾趾令僧為農多毀法鐘以
鑄煩坐之寘於家削髮及墨舶來猾我舉府謂其多
武召參與政事鐘獨詔實齊昭之所請而議論每與
老中不合再坐事鞅鞅以終世遺書有明訓一班抄

利熙 効死 而諫

等嘗疏曰造三檣船數百千艘鑄大煩數百萬隻復
往外國互市使天下僧徒畜妻子習武藝以大豫備
為今海內有禪宗一萬九千三百八寺密宗一萬千
百寺一遍教六萬七千六寺源空教十四萬二千寺
融通派一千五百寺一向派本願門徒四萬五千寺
東本願門徒八萬八千三百九十四寺專修門徒七
千五百二十寺日蓮教八萬三千二十寺其用之云
九月二十八日以儲君諱睦仁為親王 十一
月 帝以幕府請尚和宮再四依吉子內親王東降
等例許之五日箱館奉行織部正堀利熙效死切諫

老中對馬守安藤信正是歲之秋諸蕃固請借府下殿山信正將欲許之於是利熙舉其不可數條諫止不聽又有信正謀不軌風聞故與書而自殺其畧曰謹白詔曰鳥之將死其鳴也哀人之將死其言也善僕嚮激論妄答不服於閣下之高議其罪當萬死乃碎肝腦注腸血聊述鄙言以奉閣下抑外虜航海再來公議百方不決戰而決和親誰不可防也僕深憂之奉縷縷鄙言預其事東馳西奔臣職不得竭然鈞是人也豈無慷慨義烈之志哉夫溺於公議之海涵恣意忘行無顧忌犯大義者不可算也墨夷都督米理努留微造貴邸專論我政務閣下與之共被同餐尊之如師父遂許刑典數部是可怪一也渠與閣下結伯仲之義贈衣帛珠玉巨萬閣下酬之以慶長正保金一萬鎰是可怪二也渠醉倒之際戲於閣下侍妾閣下許而與之是可怪三也渠堅請築居館于御殿山閣下遂許之是可怪四也竊聞渠專論廢帝之事閣下憇憑使國學者探索舊典私議其事故僕血淚如雨鐵腸如裂誰不慟哭仆地實天下逆賊天誅固不容也夫顛末於彥根老閣可鑑矣是僕為閣下深憂而所以不服其高議也伏祈閣下不忘我邦

起民園 蜂部

大義奉忠 天朝致身幕府施仁政於民僕之屠腹
 而死其言也必善請容焉臨疏泣涕不堪也信正磐
 城平大名也老中故利熙尊稱為閣下至壬戌春利
 熙臣三嶋通植怒信正不從利熙遺諫與同志十餘
 人俱擊信正于坂下門前通植等八九人死之丹波
 園部民數千人蜂起薄藩主小出氏哀求除重課二
 十日京師町奉行遣吏卒按問之 十二月二十五
 日幕府使所司代侍從若狹守酒井忠義入納幣黃
 金百枚物若干品分金一萬五千兩于大臣親王堂
 上堂下初東本願寺營假堂舍是月成阿弥陀堂教

水戶 臣屬 樹黨

祖影堂並大如舊請幕府建東照公廟于寺中亦成
 辛酉文久元年正月幕府奏始鑄鐵大錢文曰寬永
 通寶背面作波圖以一當四 二月水戶家臣之庶
 倅凡二百人脫出批州長岡馭宣言奉故黃門遺志
 攘夷乃榜曰獻金四兩聽從軍給劔刀又諭州豪農
 富商出金穀曰事成倍償不貸刎首數日軍糧堆疊
 諸藩亡臣惡少年等競集千八百人起若州及上野
 下總要害四所每夜張燎煽動移檄畧曰繼故黃門
 志以舉義兵一將率水軍突橫濱燒夷館麀之一將
 率陸軍入江戶悉誅預互市吏以救天下民震皇國

威十日江戸戒嚴先是權中納言慶篤懇幕府曰我家臣之庶子弟等多出奔樹黨願癸士卒捕之至是幕府命慶篤追捕長岡等諸黨伊豫守堀田某筑前守岡部長寬屬為命左京亮堀直賀自北國口入捕之式部大輔榊原政恒屬為命佐倉堀田鴻丞備水戶路宇都宮戶田忠恕備日光路郡代寄合先手市廳屬吏阮永代新大兩國千住水道和泉昌平諸橋遣小普請三百人講武所等于橫濱益衛蕃客館時麻布善福寺高輪東禪寺三田濟海寺亦為蕃館因令衛之大名備十二日 帝聞物價日貴庶民困疲

帝 賑 窮 民

發內帑黃金五十枚賑山城國窮民其 詔略曰民國之本下民困窮罪在 朕躬乃每勞心怨嫁和宮欲安天下今特發金分與窮民施予不周幕府補助恤四海人愧輦下窮先頒山城勿遺孤寡十五日賜御香於東本願寺以奠上人善信六百五十年齋儲君亦奠之一向祖齋 勅奠此為始十九日 詔改元曰文久辛酉為革命之歲甲子為革令之歲並例改號今茲太歲次辛酉故改之二十三日幕府命江戶町奉行勘定奉行加奈川奉行等嚴備長岡等黨竝其四出捕之 四月十九日以皇妹親子為內親

興大安藥師法隆世或云是月英咭喇兵船入對馬
 請假館地發煩而薄國守宗義和盡銳防戰互有勝
 敗遂却賊船飛檄鹿兒島乞援兵 六月十三日彗
 星幾滅自始見夜南漸小至是已抵北斗東南光芒
 僅尺 七月英咭喇請幕府曰自加奈川至長崎箱
 館海中多暗礁而運船每為之所破請盡測量水路
 深淺許之於是幕府令沿海諸藩縱量人上陸給之
 糧食使外國奉行屬吏入英咭喇量船與俱測量而
 圖之及量冊成諸藩亦賜之 十月三日親子內親
 王乘牛車詣祇園祠以為東下首途權大納言藤原

英咭喇請量海

皇妹東下

忠能權中納言藤原實順參議右近衛中將藤原實
 麗左近衛中將藤原定國藏人頭右大辨藤原長順
 等從焉王車所謂絲曹也懸紫絲貼金碧畫美極華
 二十日親子內親王東下其母觀行院典侍局庭田
 氏營婢清水谷氏與藤原忠能以下公卿少老遠江
 守加納久徵高家右京大夫大澤基暢以下多從觀
 行院故大納言橋本實久之女 十一月內親王至
 江戶館清水氏遺第茶禿長沢蒼翠上疏幕府曰改
 天下政事復大猷公以前與有德公及樂翁時曰復
 上洛之禮率天下大名入朝曰明春或有天下亡命

幕府茶禿上疏

集京師故今遺大小譜第二名護京師陰備之曰黜陟今諸吏自老中至小吏皆用正議人使一橋刑部卿輔佐幕府越前前中將為大老曰吏門每接使者於內廳是納賂流弊也故嚴禁之曰君公之齡未五五委政事於大老者舊例也然為時勢不穩雖違例而君公每臨公堂聽諸政而議其大事於京師因罷今関白九條公選一條公二條公近衛公代之曰互市停橫濱箱館從舊制許長崎種島長崎委黑田鍋島兩氏種島委島津氏曰古來間有君公不臨公堂而令老婢將命然君賢臣哲則或便焉如君臣俱允

庸則必弊焉自文恭公時大名因之進官旗本因之任役遂成賄賂公行之風曰昔者隱目付也命掃除者等為之東照宮特選其人材矣近來則不然循舊命之故其久在他國或媚吏利吾或欺他取金或受賂告實昔又有重吏巡察之例板倉周防守松平伊豆守酒井讚岐守松平樂翁等是也自今以後重吏與側衆二三人俱密巡則天下政事自明矣曰金直依東照宮時例以中和定之米直雖從豐凶而高低然百苞價自金五十兩及百兩之間而定之若貴則難幕府積倉以平之曰今者已尚內親王因速上洛

親謝為奸佞所蔽仍通徹實情合同公武則天下太平也臣所進愚策雖不敢請納用而祈行上洛禮修尊王道上安宸襟下保萬民矣十二月十一日
親子內親王與觀行院庭田氏皆乘牛車入營

其親樓藏板



今日鈔卷之三 終



十三朝紀聞跋

近世多史裨於世道此慶長召還隆治文化出所獲矣其恩且功德不更言它和泉掾安田源其親獨力修此史其忘寢食十有五季今茲初脫稿以示德風一覽則式百卯十餘幸仁政施行朝典

興復相門繼職竹園紹世與忠節孝順
 亂賊奸佞高杰名儒奇衲慮心山踪迹
 森朝始有山勤植外邦濶適之難異歷
 歷徵覈其裁之之用心此正名曰傳今
 時事者信存春秣遺意矣可謂前史良
 補後敷正律也德風長於其親幾三十
 歲壯年遊京師久受之其父語德風曰
 獎矩母象原氏中戌正月感夢孕山云

初其親依

德風

請无文推步之術文則

畫灋後

德風

却請出嗚嘯夢有瑞想有

妄想如其親山夢坻豈妄之云爾

時

安政龍集丙辰臘月津國西浦德風

謹跋



其... 三... 二... 其...

... ..

... ..

皇漢

西洋

書籍賣捌處

西京寺町通四條上町

文求堂

田中治兵衛

